



10505

河陽趙士麟玉峰父著



卷二十三

男 宸瀟編

詠史詩

西漢 三十二首

東漢 四十六首

詠史詩

西漢

引

居諸不我留敢將鉛槧託三代至嬴秦賢姦不煩索其後人  
品殊議論亦舛錯挑鐙引滿餘詠史恣礚礪深情寄短章述

讀書全集卷二十三

一

浙江書局刊

而未嘗作

蕭何

蕭何漢宗臣入秦取圖籍轉餉給關中薦韓定大業養民以致  
賢興王莫能易詎意刀筆人懷此伊周策

張良

子房建奇功首在焚棧道其次捐關中三人自爲保名成從赤  
松飛鴻自矯矯若何有辟疆反爲產祿導留侯無哲孫此理亦

難曉

董公

漢庭有三傑不如董公奇縞素討項羽諸侯鞭弭隨名正言亦  
順遂開赤帝基拙哉居巢計適爲興王資

婁敬

洛陽天下中原非用武國秦地阻山河天府可立極婁敬脫輓  
輅而乃負特識留侯有同詞卽曰車駕出

樊噲

高帝寢禁中羣臣詔弗入排闥賴舞陰言詞甚切直有此一節  
奇寄託不負國平生戰功多鴻門資厥力微噲誦讓之沛公無  
生色

陳平 附王陵

漢高疑功臣皆自曲逆始淮陰無反形力諫猶可已導之以僞  
遊誅夷從此起迨至惠帝時貪位不知恥儼然與倖臣左右掌  
邦紀定劉與安劉大言何所恃苟非朱虛侯漢祚將先圯謬謬  
王太傅英標垂千祀

陸賈

臺臺集卷二十三

二

浙江書局刊

陸賈陳詩書潤色太平業一出尉陀降誓不失臣節遨遊好時  
閒車馬甚修飭遺金授後人逍遙踰耆耄和調將相臣安劉人  
不識

劉章

絳侯納北軍朱虛入宮衛矯節仗紀通給詞劫酈寄天意欲興  
劉使章爲祿墻至今耕田歌想見坐中慄

賈誼

河南薦賈生絳灌多不喜條議雖切時紛更究鮮濟痛哭孝文  
朝毋乃非臣體有才過自矜賦鵬竟不起

晁錯

晁錯上邊事偉哉折衝臣抗言削七國安劉不顧身袁盎首建  
議借之反相傾朝衣斬東市千古猶酸辛鄧公爲上白慷慨見

敷陳天道多往覆殺盜假梁人

周亞夫

亞夫條侯子將相有兼能固爭爲國本不肖侯后兄降國封太重諫言礪忠貞嶽嶽真宰相况有七國勳而乃下廷尉不念文帝恩君侯反地下讀罷淚沾襟

張釋之 附于定國

釋之善守法不隨上喜怒喋喋惡膏夫長厚乃其取豈惟用法當識議高千古孝武刑網密法吏猛如虎定國爲延平確遵前人矩迎師學春秋私與弟子伍天下無冤民宜爲股肱輔

申屠嘉

丞相剛方器有之朝廷尊鄧通戲殿上疇敢與之爭盛服召通至叩首怒未平拭衣唬宛轉天子不加嗔嗔彼博山侯再拜望

讀臺全集卷第二十三

三

浙江書局刊

車塵

董仲舒

仲舒固儒者獨探天人旨得力在春秋感應有妙理六藝時閒陳非聖斷勿齒兩主最驕奢見公亦順軌曲學多媚諛恥與公孫比

汲黯

汲黯社稷臣百鳥遜一鶚直諫難惑非他人如振落矢志在拾遺淮陽非所樂讜論庇本根反謂言妄作天假以長年畫室何所作

公孫宏

公孫洵釣名徒步取高爵首鼠懷兩端上前輒背約登進幾賢良徒然開東閣高賀知其心豈曰賓客惡

東方朔

世傳東方朔談諧好滑稽又引神仙說侍宴在瑤池觀其拒董偃辟戲無戲辭况止蓬萊使名言確不移

霍光

子孟固宗臣處家刑于寡意欲貴成君遂貽參夷禍曲徇厥妻謀乳醫竟勿坐不學誠有之無術則未也

衛青

附霍去病李廣

衛霍起外戚功名非所難况會有天幸師出凱歌傳一造闔顏界一封狼居山恃戰敢深入封賞日以宣廣軍非選士迷道期又愆自到羞對簿一軍淚浹潺

蘇武

子卿仗漢節臥起十九年歸朝人不識白髮已盈顛厠之麟閣

讀書龔卷第十三

四

浙江書局刊

末將慰遠人觀嗟彼南宋使守節亦有然君王葬五城縱歸能無牽

李陵

少卿文士耳用兵非所長用兵先紀律魯誓戒寇攘婦女與珍寶軍中何潛藏况復陷大澤地利未審詳鏃矢五十萬一日委道傍雖微管漏師焉得不潰亡喪師且辱國厥咎由殺降河梁擅逸調音韻發鏗鏘用之以協律庶為清廟光

丙吉

附魏相

丙吉誠長者大恩不自覺心憐太子寃加意曾孫藥歸然佐中輿揚善掩過惡同心魏弱翁輔政優才略好引掾吏言故事勤商榷防弊去副封因之廢三霍博陸有鴻功傷哉恩太薄

趙充國

充國識敵情審時操勝算急則恆相依緩則自中變先零與罕  
开誅宥非同案少年喜邀功何時息爭戰老臣請自行險度恐  
難斷條議陳便宜降者幾及半罷兵屯湟中坐待敵解散踰年  
西羌降整師還畿甸無非靜鎮功豈是屯田善至今祖營平後  
世爲其眩

劉向

劉向貴戚臣精忠貫白日元成漢祚哀屢疏陳得失王氏權漸  
隆憂心日不給災異著五行法戒甚詳悉浮沈三十年向死莽  
篡立吾恨其子歆諂諛爲漢賊

蕭望之

望之在亂朝宛若雞羣鶴無罪忽罷官見機宜引卻去就一不  
明致爲羣小虐不如二疏歸鴻飛翔寥廓果然殺吾傳昏庸能  
無噓

黃霸

附龔遂召信臣尹翁歸

黃霸守潁川教化其首務鳳凰爲之翔治行於斯著龔遂恤飢  
寒盜賊多感悟因解劔與刀買牛返農圃信臣有仁恩戶口日  
蕃庶事之如父然三農咸悅豫翁歸最公廉吏民不敢忤赫赫  
于廷尉囁嚅終難吐當時太守尊與草惟所樹增秩并賜金託  
以腹心故或爲關內侯或居廷尉署久任上下安治效所以布  
傳介子 附馮奉世陳湯鄭吉甘延壽

三人事迹同立功萬里外介子誘樓蘭損威不足異馮陳識兵  
機要擊甘矯制望之與稚圭猶尙遲封拜不如鄭吉屯威震西  
域界碌碌延壽流因人以成事

朱雲

小臣請尙方願將佞臣斬言出左右驚舉朝能無報張禹老鄙夫漢祚從茲殄輯檻亦何爲徒負忠臣諫

鮑宣

附龔勝邠漢逢萌梅福

鮑氏世忠貞宣也尤切直進賢賢不庸誅姦姦未黜所以數上書無非爲王室諸生舉幡隨難免髡鉗律竟與汜鄉侯捐生同殉國始信龔邠高早將骸骨乞其次如逢萌挂冠神武側其次如子眞歸隱吳門卒

孔光

漢亡有孔光厥罪誠難狀挾私髡鮑宣惡嘉劾罔上始焉媚董賢後亦附王莽如何一代儒轉絕九廟享事勢已釀成晏然受新賞

史丹

臺臺金卷第三

六

浙江書局刊

西漢從外戚遂致王莽篡四姓有史丹匪躬弗敢晏國本在建儲動搖必有變頓首伏青蒲從容效規諫旣知帝意回卽認妄聞譴臨事不張皇消弭無人見

揚雄

莽時雄已老戀戀惟一官美新而劇秦文人無心肝史稱善自守飾詞未必然縱投天祿閣安能贖厥愆不識君父字問奇空停軒

詠史詩 東漢

鄧禹

杖策隨光武首在攬英雄行師有紀律攜負相追從童叟繞車右威名震關中勳成各就第不失儒素風子孫守一藝弈世功名終

馮異

馮異識英主首說五邑臣倉卒渡河北空舍燎衣頻始垂迴溪  
翅終策澗池勳豆粥與麥飯一一報艱辛垂老猶敢戰征西領  
副軍徘徊大樹下不伐疇如君

祭遵

祭公雖儒將犯法所必刑舍人尚格殺何況是軍營麾下有紀  
律所在不知兵對酒必投壺閒或雅歌興臨終命薄葬達識冠  
古今奉公復憂國宜其追悼深

耿弇

附耿况

耿况居上谷遣弇詣長安時年方弱冠卽識命世賢願徵兩郡  
士合力攻邯鄲勸之復大業不與更始連三方既底定臨淄奏  
凱旋落落初難合有志竟成焉較之韓侯績曩降異攻堅况聞

讀書臺集卷第二十三

七

浙江書局刊

乘輿到肅清待百官椎牛以醢酒功業何爛然

寇恂

附賈復

光武得河內守者難其人惟時有鄧禹推賢薦寇恂恂器既利  
用餘糧足供軍以此成王業功與文終均其後潁川亂命之撫  
吾民寇盜盡解散先後以捷聞百姓遮道留咸願乞寇軍留鎮  
踰一載士庶懷其仁觀其待賈復機智歎絕倫廉藺風重見真  
不愧大臣

馬援

文淵喜振施大材果晚就遨遊二帝閒擇主自不苟聚米與顧  
鞍求用何太驟功名垂南荒銅柱表斥埃嗟此矍鑠翁藁葬河  
西右遺言感呂种永爲藩邸守

竇融

融世仕河西梁統推爲主能從伏波言不惑王元語專心事東方遣使納疆土兄弟並顯庸爵位異儔伍融後貌益恭帝亦頻賜與君臣無猜疑休戚超今古子陽井底蛙終爲座上虜

邳 彤 附任光來歙

王郎假名號烏合集邳鄆邳任獨不附會議阻西還指陳北行利數語勝登壇光復高祖業耿弇見亦然來歙爲監護一戰破王元己乃中要害虎牙淚潄浹叱之草遺表力薦段襄賢抽刀忽已絕孤忠貫日寒

吳 漢

吳漢固虎臣帥師爲漢翼心如金石堅所向無敢逆樹幟立陣前隱若一敵國誰能一日間入戰皆入克遺表無他言慎赦有深識

讀臺叢卷第千三

八

浙江書局刊

宋 宏

夫婦人倫本況復其糟糠一言明大義足以感湖陽朝服坐公府微詞讓桓耶他日召之鼓舉動忽失常使公相天子必不牽帷房忍使貴人黜復廢太子璵

嚴 光 附周黨王良

周黨不受祿賜帛返考槃王良除諫議恭儉著當官咄咄羊裘叟三反至長安車駕卽日幸延入聚故歡堅臥不肯起仍歸富春灘見首不見尾應作神龍觀

董 宣

宣爲洛陽令格殺驂乘奴朝廷三尺法守之敢戲渝赦令謝貴主據地不服辜賜錢三十萬遂以強項呼宣也頒羣吏清名震

京都

桓 榮 附張佚

桓榮明帝師深得稽古力賜馬與乘車尊崇動邦國張佚能正君應不愧輔翼以之佐疑丞青宮自進德賢哉二大夫同心盡匡弼若何信竺乾遣使至西域

鍾離意

僕射素敢諫上疏正北宮一言感天意澍雨慰三農常救小臣過時將詔書封明帝雖偏察法言猶能從

陰 識附馬廖諸外戚

東漢寵外戚貴盛易驕奢如陰如馬鄧尚能閉歎家梁竇專權柄民人盡怨嗟一朝以屬吏棄之如泥沙逮至桓靈末董何競矜誇乃知四氏學防患慮已退和熹辭封爵德可冠昭華

耿 恭

讀臺彙卷第二十三

九

浙江書局刊

耿恭屯疏勒掘地不得泉再拜醴泉湧至誠格蒼天旣而車師叛糧盡勢力單將士同生死守禦誓益堅歸朝蒙顯爵絕塞聲威傳

班 超

班超熊虎臣節善已奉詔不意北使來供億將情暴親帥廿六人搗穴各還報諸國畏異威遣子復通好長爲都護使還歸玉門老班勇有父風羈縻西域巧

班 固 附了鴻桓郁魯丕賈遠黃香

班固成漢書足與龍門配建初做石渠五經論同異孟堅實與焉丁桓皆遜避作頌勒燕然周宣差可擬逡巡死獄中天下惜其藝後此會東觀疇能析疑義魯丕非其倫而况賈黃輩

曹 昭 爽

婕好辭同輦淑慎冠後宮避讒居長信善始亦善終大家班氏  
女博洽靡不通爲兄續漢史首開陳范風上書繼兄老振旅還  
關中况有四箴在闈幃咸式從芝倫與鍾郝世世嗣芳踪

毛義 附鄭均

義善承親心均能收宗族行誼重一鄉賜粟各千斛親亡義辭  
徵張奉始歎服均成兄之廉詔給尙書祿

孔僖

孔僖官蘭臺淹通貫經史章帝尊先師車旂會闕里臣宗非私  
榮聖德壇休美自非聖人孫焉能識此理

楊震

楊震凜四知遺後以清白抗疏劾聖榮勿使通宮掖諸奄受賄  
賂敷陳尤剴切充耳類不聞慷慨飲鴆絕迴翔有大鳥依依不

讀臺集卷第二十三

十

浙江書局刊

忍別

李固 附杜喬

李杜國忠臣不惜以身殉兩議立清河遂爲權奸攢恨食煮餅  
時討賊不自奮徒勞推侍醫坐失太尉柄反令梁冀傾收繫竟  
絕命三賢齊上書意氣千秋振

馬融

馬融素修飾絳帷列管弦門人日益眾傳經以次前乃爲梁冀  
使草奏劾子堅吳祐面詰之唾罵何辭焉以此作忠經欲付一

炬燃

荀淑 附韓昭鍾皓陳實

潁川四長中至行首荀淑吏民不忍欺因以神君目寇盜起山  
東郡邑遭荼毒相戒勿犯瀛韓昭爲民牧鍾皓政先寬不復事

怪桔豈無阜白人亦爲保身勛陳實在官時弔讓不爲辱此中有妙權保全非一族所以古恭人溫溫類如玉不剛亦不柔中外受其福

李 變 附文姬王成

變姊知禍作豫與王成謀二兄皆就考載變下徐州兩人隱屢市晨夕暗相投天產此義士心力罔不周同全忠臣裔青簡至今留

黃 瓊

黃瓊明哲人練達臺閣事尤能守憲章不肖媚梁冀貴戚與宦官嫉之如蜂蠆侃侃上奏疏紀綱賴不墜

黃甫規

威名初對策指斥大將軍因之置下第謀略不得伸擊羌當封

讀臺叢卷第三

七

浙江書局刊

爵無賄賂寵臣傾陷輸左校太學爲之奔度遼有威望掣肘鮮功勳自言西川傑恥不與黨人

朱 穆

朱穆刺冀州望風解綬去糾舉鮮所私郡邑沐浴露心疾宦官橫敷陳干帝怒至今絕交文猶爲薄俗詬

盧 植 附皇甫嵩

盧植性剛毅窮經識機宜三年侍絳帳女樂未嘗窺奉命平張角屈指滅可期左豐索賄賂檻車下有司嵩能恤士卒重覩捷書馳

傅 變 附崔烈

崔烈無志識妄議棄涼圍變欲安天下請上亟斬之乃爲趙忠譖漢陽牧殘黎慷慨赴戰死悲風起旌旗

張陵

張陵偉男子忠貞邁羣倫臨朝叱翼出奪劔命虎賁舉主非不  
念守憲卽報恩左右盡失色能令朝廷尊

左雄

左雄立限年亦爲常人設顏淵與子奇甯復論歲月宋娥阿乳  
母顯榮同建策裂土并開疆名器得無喪雄也反覆陳禍患非  
其戚

崔實

山陽愛實論謂宜寫一遁置之廣坐側可以拓心胸疾固資梁  
肉養不廢藥籠所以古爲政寬猛貴得中有激故云爾知變自  
不窮

陳蕃

附實武何進

讀書彙卷第三

三

浙江重刊

蕃武皆正人同心興王業謀欲誅宦官心事自坦白牽制在宮  
中猶豫不能決成敗在須臾而乃歸盥櫛奏爲朱瑀竄干戈起  
肘腋張奐爲所給率兵返攻擊一蹶不可支中外喪魂魄迨至  
何進時不從陳琳說徵兵詣京師綢繆無碩畫太阿旣授人赤  
帝遂中絕

李膺

附范滂孔褒夏馥賈彪

元禮號龍門允爲人倫矩事君不辭難尸首填牢戶孟博志澄  
清乃爲浮名誤雖與李杜齊危亡亦何預張儉望門投藏匿盡  
掩捕遺禍及萬家哀融幾同錮不如夏馥高毀形入林慮賈彪  
得其中閉門獨不顧

趙苞

羌入劫苞母攻城載之前城存母已戮嘔血歸黃泉當時展智

略尙可免摧殘不如周孟威不屈母亦全

桓典

桓典爲御史都人避青聰宦官不敢犯猶傳司隸風

蔡邕

蔡邕論三五近禁益蠲除青虹見玉殿消弭詔諸儒對策由趙  
霍作姦蔽刑餘呂強爲之請髡徙朔都三遷感知遇同逆則  
已誣善人國之紀王其無後乎

鄭眾

附諸宦官

東漢寵宦官封侯自眾始拒虎復進狼國祚遂傾圯順帝十九  
侯襲爵許養子桓帝委兵權五侯多不軌靈帝十三侯潛與黃  
巾比自古用刑人必爲國家累亦由過激然眾正能無罪袁紹  
誅黃門殃及禪男子良賀共呂強清忠達國體野鶴在雞羣強  
猶置於理

臺臺彙卷第二十三

三

浙江書局刊

黃憲

附周燮馮良法真徐稚姜肱袁閔章著李曇魏桓郭泰茅容仇香申屠蟠樊英

叔度千頃波抱道高不仕周馥隱衡茅法真以身退仲舉薦五  
人辭榮葆良貴其中有徐美造履尤瀟備魏桓能審時傾危非  
可試獨有郭林宗知人善獎礪茅容徒步從仇香資其誨身名  
幸兩全不入黨人議蟠居梁碭間超然評論外矯矯如冥鴻迴  
翔在空際豈若盜虛聲觀聽並難慰

杜

詩附任延張堪第五倫宋均袁安廉范朱暉虞詡李固張綱劉寵

西京多名守東漢亦有之杜詩父而母任延公靡私堪傳麥穗  
頌倫以清惠馳九江多異政三楚理單詞廉公來何暮朱李去  
益思擊羌虞詡善散賊子堅奇惟有廣陵守馳書偃旌旗惟有  
會稽守投錢在江湄

董卓

卓乃殘賊耳何進召之入諸陵既已夷九廟復延熹呂布情乖離袁紹僞戴翼燃臍在藁街萬姓人人悅

曹操

孟德亂世雄月旦評非誤挾帝令諸侯遂移炎漢祚五世歷相傳芳爲他人乳矣蜀尙未平厥宗已先斃勞心亦何爲寂寞西陵路

袁紹附袁術

本初爲盟主屯兵在魯陽不迎天子駕空遺烈士殃皇天故震怒官渡身先亡公路冢中骨僭號何猖狂况有譚尙輩兄弟互相戕不知蜻蛉側黃雀早潛藏

江其孫策

讀書臺文集卷二十三

齒

浙江書局刊

江東孫伯符智勇皆超世髻齡結知交尤與公瑾契慨然忠復警所向無堅銳釋慈忘舊嫌破祖暑曹事奈何喜微行不從虞翻說自龍困豫且遂爲貢客弒

趙嗣業訂

河陽趙士麟玉峰父著

受業楊甲壯輯

男宸黼編

卷二十四

詠史詩

三國二十八首

兩晉六十一首

詠史詩三國

諸葛亮

孔明王佐才出處得其正  
先主紹高光原不同他姓  
三顧起隆中王業數言定  
仲尼在衰周豈不識天命  
皇皇車馬閒猶冀展其蘊  
伐魏將毋同中原為之震  
功名垂荒陬南人俱臣順  
遺表有出師千秋歎忠盡

讀書堂卷第廿四

一

浙江書局刊

龐統

士元號鳳雛能擅人倫鑒  
三策定西川事業從茲建  
以之治未陽宜其多末練  
武侯尚不言庸庸何足歎  
人非曠世才慎勿笑斥鷃

法正

法正識左公傾心密擁戴  
說之取益州深為生民計  
惠不忘壺餐仇必報睚眦  
若在諫東行不致猊亭敗  
亮正雖異趣公議交相愛

蔣琬

蔣琬社稷器修飾非所長  
安民以為本治國守紀綱  
是時喪元

帥上下盡張皇無戚亦無喜舉止如平常眾心由是服休休未可量

費禕

文偉明識人賦性多謙淑車旗已載塗一枰相角逐來敏聊試之辦賊此可卜與允同立朝虛中納忠告

鄧芝

鄧芝之江東說之同伐魏既知吳國情亦識蜀國勢唇齒果相依許昌政窺伺奈何背誓盟蜀亡吳亦斃苟有瑜亮作青蓋何能至

董允

允才不及禕治事日靡暇獻替殫公忠左右法不赦所以允在朝黃皓爲之下無何哲人亡事權任所假宮府日乖離魏遂伺

讀臺義卷第十四

二

浙江書局刊

其罅

關羽 附張飛

關張熊虎臣侍立在左右兩人好尚殊寬嚴微有咎髯也好春秋潔然明去就威震華夷閭大名垂宇宙桓侯勇絕倫西川崇俎豆當時釋嚴顏高風得未有

趙雲

壯哉趙子龍一身都是膽苟非智勇全弩射又誰敢憶取成都時首辭所賜產建議還居民反側盡知感自許霍驃姚爲相亦無忝

姜維

伯約著忠勤思慮復精密北伐屢出師無非爲漢室春秋書乾時無功亦不黜一旅度陰平早已輿櫬出寒灰思復燃強與鍾

會密其如厭亂何遂爲眾兵執

廖立 附李平

廖立及李平皆爲武侯斥及其卒五原折騰相涕泣薦人人不懷罰人人皆嫉武侯獨不然聰明而正直相道貴無私端不崇智術

劉謙

劉謙奇男子身刻有餘榮甯其綿竹死不隨安樂生東吳國旣絕北魏神亦傾何如照烈後千載流英聲

荀彧

文若負才名勸之固根本及與袁紹爭勝敗何并并業作劉項觀用奇摧厥猛忽拒董昭言無乃自矛盾首鼠懷兩端壽春笑徒勿

讀臺龔卷第十四

三

浙江書局刊

荀攸

公達善謀議決策許譚平袁氏跨四郡地廣富甲兵兄弟相攻伐救之可兼并魏苟得河北霸業自可興况聞性嫉惡夙有知人名宜其相契合一見統軍營

程昱

程昱守鄆城兵惟七百臆張邈旣叛奔郡邑多響應往說斬兪平遂誅東阿令勇略自絕人賁育不能近微子吾無歸執手下車迎

郭嘉

奉孝見袁紹決其事鮮成仕魏參謀斷翩翩有令名十勝與十敗策之熟且深烏丸貴神速譚尙宜緩征降年雖不永才大使人欽

張遼

文遠嫻將略陷陣戰合肥單騎至麾下疇不畏其威柳城遇蹋頓殪敵不遣歸雄名止兒嘯至今有餘輝

賈詡

賈詡縱橫士決機何疾速不從撫安謀江東空馳逐丕常圖自安力以子道勸曹公固問之默然久不復吾方思袁劉定儲一語足鹵城請進兵毋乃失之促

華歆

吾鄙華子魚擲金復捉視葛巾馬首迎巢由必無是傾心事曹公不知有羞恥勒兵入宮闈名節掃地矣

周瑜

公瑾萬人英智略實不測高議異羣臣拒曹不送質赤壁建奇

讀臺全集卷第十四

四

浙江書局刊

勳一炬干戈熄惜哉大命傾師至巴丘卒遣表薦橫江丹衷貫白日江東有斯人王業何難立

魯肅

附張昭

魯肅臨淮俠結士好振窮指困助公瑾差有豪士風對榻問籌畫乘鸞俟從容孫劉如唇齒魏敢窺江東借荆非失策漢賊思協攻庸庸張子布質子亦甘從

呂蒙

呂蒙長行閒從未知涉獵討鹵授之書軍中乃發篋子敬大奇之非復吳下客所以古孫吳至今遺手澤白衣搖櫓時始見變化益

陸遜

伯言負長才代蒙居陸口致書深自謙遂賺壯繆走昭烈親伐

吳相拒歲月久連破四十營仍還白帝守輔登居武昌左右掣其肘未幾恚怒亡崇論自不朽

徐盛

徐盛對魏使側目怒未平江東有長壘將相皆人英甯冒爲魏下有識決其興黃初會戰艦伐吳至廣陵盛也以師禦植木爲疑城軍容旣整暇江水浩縱橫臨流三歎息返旆罷南征天險洵可恃千騎未足憑

管甯 附邴原王烈

北海三高士避地在遼東幼安謝世事學者許之從根矩尚清議剛直鮮所容甯也箴規之矯矯如冥鴻彥方化閭里望盧知高踪所以守劍叟卽是盜牛翁

管輅

臺臺卷第十四

五

浙江書局刊

公明不言易深得易之旨清酒三升後高言何斐疊是非單子春甯能窺涯浹

嵇康

叔夜善養生文辭亦莊麗不肖媚要津箕踞待鍾會士季譖殺之其事出文致當時七賢中安豐誠好利餘皆隱于酒不失其爲智啓事慕山濤辭昏阮籍義始平解聲音劉伶小天地曠達夫何傷鄧何乃可鄙

王裒 附嵇紹

王裒痛父誅未嘗西向坐徵辟每力辭衡門縱高臥聞詩泣蓼莪門人廢其課嵇紹死蕩陰終悲弗克荷

詠史詩 兩晉附宋齊梁陳隋

傅佐

司隸性剛果峻急無與倫奏劾若不及捧簡待詰晨貴游俱震  
懾朝廷爲之尊意期挽士習不愧臺閣臣

王祥附王覽

王祥孝後母率妻事彌恭天生覽與婦涕泣相追從祚固世罕  
覲覽尤未易逢隱居三十載愛養無終窮母歿杖而起毀瘠弟  
兄同海邦仰政化別駕有宏功

傅咸

司徒建讜議首爲設官多并員兼省役教民植田禾務農知節  
儉節儉召天和不見崇與愷終自嬰網羅

山濤附劉毅

山公居吏部啟事稱明達神明存乎人拙者泥其法中正自陳  
羣損治十有八上品無單寒下品無顯閥徒自長浮華焉能定

讀臺龔卷第千四

六

浙江書局刊

優劣毅也抗言之銓衡猶轆轤

賈充附衛瓘

賈充恃女后心腹布朝廷太子旣中廢大臣爲其傾貂蟬苦不  
足宵人列簪纓始知二南化所以致昇平苟册衛公女晉祚猶  
可興忠言如伯玉撫座空沈吟

羊祜

叔子眞儒臣鈴閣何輕俊受命鎮襄陽綏懷及遠近恩德感吳  
人不以掩襲勝越境相餽遺深信不爲鴟孫暗虐萬民乘覺兵  
可進朝命寢不行幾陷苟馮佞疾篤薦征南江東乃克定遺碑  
表峴山樵牧皆知敬聖慮在平吳達哉斯人論

杜預

武庫推征南不徒左氏癖考課議不行夙弊終難革預與張茂

先其贊平吳策矧其領一軍江口親籌畫吳降返襄陽講武屯險阨雖安不忘危老謀自周密平生未踞鞍力難貫一札用兵獨如神孫吳未能及

王濬 附王渾

王渾召濬言風利難回舳舻功欲害之遂以違制告晉武詔不行封爵尚未服苟非苑道謀幾爲鍾鄧續休休杜征南足爲人臣鵠

張華 附裴頠韋忠

司空博物流讀書二十乘史漢滾滾談其旨自韶令奈何不見幾猶自貪政柄郭賈廢東宮倫秀修夙譽可憐張茂先竟同裴頠殉韋忠懼餘波遠之何敢近

石崇 附潘岳

讀書彙卷第二十四

七

浙江書局刊

崇岳皆賈黨望塵拜廣城奴輩利吾有崇死猶可矜岳旣負母訓乾沒焉避刑况爲太子草神人恨不平誅僂要自取特假孫秀行惜哉江海才巢覆卵亦傾

王衍 附樂廣

夷甫尙清談舉朝欣相若萬物爲芻狗六經成糟粕放達鮮禮儀亂亡從此作衍謂無宦情而乃居倫幕三窟雖已成排牆究難卻彥輔猶不然尙知名教樂

周處

處爲三害一悔過從機雲州郡交徵辟志行軼羣倫後復死王事忠孝萃一身人苦不自知善變莫如君

陸機 附陸雲張翰

機雲曠世才出處昧時勢不從彥先言難聽華亭嘔孫費洵奇

人忘身殉吏議富貴難久居人生在適意卓矣張季鷹秋風戀鱸膾

何綏

三馬食一槽五胡鬪羣馬四主五十年八王不相下渾亡骨肉恩吞噬傾大厦綏爲曾之孫遺言尙堪把武皇之遠謀銷兵恐不暇人心猶未安宮中忽晏駕汝曹罹其災幸勿咎氣化及平永嘉時何氏只空舍

劉淵

附石勒姚萇苻洪慕容廆

劉淵一倡亂并雍盡披猖懷帝既執蓋愍帝亦行觴不勝庾珉哭空使辛賓戕遡原建武末雜居秦晉邗宜乘平吳力驅之出封疆復古荒服制峻今出入防非無徙戎策築舍等道傍

劉宏

蔓臺叢卷第四

八

浙江書局刊

劉宏耆舊臣恩威播江漢蠲禁萬姓歡給糧同列歎得公一紙書賢踰從事萬山簡不能遵習池日延玩父老咸謳思同彼甘棠春

劉琨 附祖逖

祖逖清中原劉琨忠晉室一死匹禪手一在雍丘卒先鞭亦何爲中流空擊楫回思起舞時兩賢自奇崛

王導 附賀循顧榮刁協周顛

茂宏晉夷吾聲名重江左大義在滅親發喪妙用假顧榮邦之英賀循亦儒雅刁協與顧和諳諳習朝野導皆任用之所以克負荷雖無赫赫名能弭國家禍譬如厖羸人無損卽益也私憾殺伯仁雖悔究安可

溫嶠 附陶侃庾亮

太真第一流孝當爲忠釋能結錢鳳歡假與王敦懾不過反掌  
間遂誅兩叛逆陶公經濟才運璧日以百未與顧命恩徘徊不  
卽發及至建康城又懷西歸策微嶠左右之功名曠白石元規  
黜陶回丹陽乏兵擊師敗奔淪江泥首甘遠謫

郝

鑒

附桓彝鑒孫超

道徽稱儒雅託疾避逆偷荒歲從之嘔宗族沐深仁蘇峻反姑  
孰下詔徵諸軍鑒也獨流涕赴難忘艱幸所恃在大義可以激  
臣民桓彝力戰死志節與之均若何惜之後不臣有嘉賓

卞

壺

附二子吁彤

望之忠烈臣立朝能正色砥柱名教流聞者皆心革力疾戰西  
陵忠孝一門積鬢髮日蒼蒼九原同化碧

劉

超

附鍾雅

讀臺全集卷第二十四

九

浙江書局刊

超爲元帝拔儲粟不滿嬰職居射聲尉親統君子營石城遇峻  
反左右扈駕行間遣一無受給馬不官乘臣節逾加謹日猶進  
孝經鍾雅亦佳士艱難有同心

王

敦

附蘇峻祖約桓溫溫子元

晉末鮮明哲往往產亂臣王敦始作俑峻約揚其氛二桓復濟  
惡何以慰貞魂流芳或未必遺臭至今聞命盡宜先殺智哉郭  
景純

殷

浩

附王羲之

深源盜虛聲當時擬管葛屢薦尙力辭蒼生以爲戚及其刺維  
揚跼促鮮施設忽與桓溫攜又拒羲之說北伐屢無功宜其遭  
廢斥咄咄日何爲空函致誤達哀哉此鄙夫節乖名亦奪

孫

綽

附孫盛

綽幼慕幽居遂初情可觀桓溫欲遷都朝廷不敢拒與公異而剛雖怒議遂阻安國作春秋據事爲鋪敘諸子跪請之方嚴終不許但期直筆存那能顧門戶

謝安

東山謝安石品望重蒼生當其爲處士已能厭眾情談笑謝元子遂解壁後兵豈若坦之輩倒持手版迎秦兵逼境上烽火徹天明舉位應詔旨不負知人名圍碁出賭墅鎮靜功乃成出處兩無愧捉鼻宜自矜

謝位

幼度蘭玉姿州郡勤屢辟能兼文武才精思周履屐決戰淝水閒風鶴驚鄰敵惟午不負奚勳名著竹帛

桓

沖附王彬

臺臺叢卷第二十四

十

浙江書局刊

桓沖性謙沖忠心不改易臨終無私言士女咸踊擗補過爲厥兄求外遜安石王彬昔亦然苦諫幾成隙乃知顓頊子未必皆

檁机

陶潛

潛世仕晉朝義不臣劉宋田園縱荒蕪松菊尙堪供况有同心人可耕亦可誦甯使盜無儲盃中定不空詩成授劉鈔翱翔如

孤鳳

徐廣

附徐談之傳亮謝暉

天愍遺一老涕泣相迫從赫赫徐謝輩轉盼已成空豈知參夷禍多出定策功九原如可作懂者悲無窮

王猛

附孫鎮惡

王猛善奇謀捫蝨談要務辭溫往就堅一見請如故相秦國富

強振幽黜尸素若何棄遺言喪師淮淝渡鎮惡有祖風南奔事  
劉裕襄城劉毅誅乘艦苻泓怖功高眾忌之矯詔將安許

劉穆之

道民誠國器決斷羨如流內總一國政外綰三軍樞海口互相  
用才略無不周惜乎中道殞不爲宋國留良禽貴擇木此理未  
暇求

檀道濟

道濟止圻卒不能保其躬報施未易測壞汝萬里墉義康不足  
責遺命啟其衷投憤目如炬魏人慶成功

謝宏微

宏微敦友愛當時播芳聲亡兄尚晉主遺業仗經營一錢與尺  
帛登記必分明晉亡公主返入門如平生僕射重此子寄託賴

龔臺龕卷第十四

七

浙江書局刊

其誠一門俱感化退讓無所爭

呂佐伯

佐伯爲宋使詐降刺慧龍探僕得尺刃釋之感心胸以是守其  
墓終身願相從仁義爲甲冑疇能戕吾躬

謝靈運

才人多豪逸靈運乃其流伐木通幽險好爲山澤遊宋主賈其  
罪待之蓋已優其後放自若致爲有司糾池塘生春草詞苑至  
今留

雷次宗

次宗慕隱居績學日不倦徵之至建康就山特開館四學重儒  
宗蔚然經術燦車駕時惠臨巾幘親問難未幾返衡門不忘廬

山面

高允 附崔浩

高公直諫人與浩同修史臨難任不辭對君言無詭非故違東宮恐負翟黑子浩不免刑誅竟同穢史罪及允令中書數陳恆臺喜愠兩不形可謂大臣矣

古弼

筆公魏汲黯為國能遠謀疲馬給田獵精騎壯干陬獲禽召民進言終疏已投古公固不易魏武量亦優

顏延之 附謝瞻

延之避峻車為其要人故賓客日填門典謁不敢訴出身糞土中而乃驟驕踞以此神不怡棄置不復顧謝瞻樹棘籬為晦日憂懼一子與一弟志氣各異趣

顧愷之

薑臺叢卷第十四

三

浙江書局刊

愷之恥隨時風節獨矯矯貧賤分不齊奔競傷雅道因著定命篇高言越塵表興宗病其迂中心自永好

虞愿

南朝八百寺湘宮居其首此皆百姓錢賣兒與貼婦明帝詔往觀愿也從傍剖驅之出殿門功德實不朽

袁粲 附于最

蕭齊欲篡位袁黨謀已成漂搖傾大厦一木力不勝敬則宿直閣伯興總禁兵甯為袁粲死不作褚淵生至今石城側閃閃現精靈

王琨

宋齊易代際競尚勸進功琨獨壽為戚嗚咽返巨隴嗟彼王儉

輩解綬迎雲龍

褚淵附子黃

彥回宋名士舉動乃如此廉恥非所知障扇復爾爾賁能益父愆不仕讓之弟芝草與醴泉不是根源美

梁武廢東昏得此二義士雖在無道邦君臣無異理當日事勢

同閉門誓一死梁主寬宥之為收人心耳

范雲附沈約在叻

此皆竟陵臣同待侍西邸一朝勢位歸若若復纍纍堪笑沈休文懷中出詔紙雲昉無異辭文人類如是

徐勉

徐公佳吏部不聽客求官今夕好風月此外甚勿言割宅捨淨圖高懷人所難

讀書彙卷第四

蕭統

昭明性孝謹五歲通六經腰帶十圍大居喪半不盈寢疾猶力書將以慰親心文選傳藝苑惆悵高齋傾

蘇綽附子威

古人不蔽賢僕射有其操應對綽如流不覺曙鐘報巨細必躬親左丞國之寶威獨務刑威吳儂怨五教

高澄

崔亮居銓曹始創年勞制庸愚稱聖書賢智若壅滯至澄始變通甚協人與地況又廣集思才能俱引致

梁武死臺城諸子操戈起小忿莫能容大仇置不理試讀邵陵

書血淚透素紙僧綽助邵陵其殺固宜耳

三

浙江書局刊

川上文

牛宏

喪亂典籍少上表訪遺書宏能治國本卓識冠諸儒周時列柱下漢代羅石渠緬懷嘉則有適為集賢儲

江總附孔範王瑳

陳主好宴遊時與狎客聚三閣聳雲霄宮嬪擅詩賦自恃天塹長六軍忽飛渡至今辱并存江水橫煙霧可憐張麗華魂繞雷塘路

韓擒虎附高祖賀若弼宇文弼

隋氏并天下賴此四臣力煬帝篡位時不聞保儲策頽弱及宇文坐以誹謗律走狗先已烹良弓復中折心久無父兄何惜此羽翼

楊素

讀臺全集卷第二十四

齒

浙江書局刊

楊素開國臣戀戀惟富貴有此一統基纔經二世敗既任牝雞嗚復與狼子比可憐好家居楊花吹滿地

李綱

隋文廢太子文紀諫之切歸咎置傳非言詞多嗚咽本無德與功取隋衝原譎長星竟徹天不亡何可得

李密

密常乘黃犢壯坐讀漢書天命已有屬聞謠空自偷為政先足食況經荒亂餘開倉任人取棄置滿路隅不納徐賈說便非興王模妄謂唐見推宜其為驅除

王通

通初欲用世齋策獻金門及其不見報教授隱河汾薄產供饋粥餼廬娛典墳無辨究何謗不爭文誰怨叶弟子有房柱佐唐

立功勳

辭道衡 附王胄

二人罪伊何曰爲善吟故阿摩實忌才殊乏帝王度梁空燕已  
飛草綠人何處所以鮑參軍才盡無傳句

宇文述 附裴矩王世充虞世基

嗚呼此四凶自是隋亡者土木役繁興宮嬪色妖冶綵花雜園  
池清吹明月下龍舟幸江都曾不念宗社乃知晉陽師江上飛  
來也

讀書全集卷第二十四

五

浙江書局刊



卷五

世南大問曰... 宇文述... 裴矩... 王世充... 虞世基... 鮑參軍... 才盡無傳句

讀書堂絲衣全集卷二十四

施發甲校

河陽趙士麟玉峰父著

受業趙師母輯

男 宸黼編

卷二十五

詠史詩

唐四十二首

宋三十七首

詠史詩

唐附梁唐晉漢周

魏

徵附王珪

魏徵能強諫威嚴不為阻反覆辨忠良特識高千古遇此命世英殫心效匡輔十思與十漸剴切動肺腑所以長孫后朝衣賀

讀書堂卷三十五

浙江書局刊

聖主王珪諫納妃不異鄭公語衡鑒與人殊評論帝嘉許唐代

萬目張紀綱不足數並坐令執筭一代人倫矩

房佐齡

附杜如晦

佐齡善陳事千里猶面言如晦應庶務剖決非所難同心在天策王業遂成焉及乎居相位深維創垂艱兩賢盡謀斷至治首貞觀我愛文昭公遺表在安邊乃心為王室易簣尚拳拳

尉遲敬德

敬德驍勇姿相報一何速積金不能移矢心如山嶽醉後數矜功負強不肖服晚年辭帝婚行義獨卓犖

馬周

馬周才固奇常何識亦偉太宗召見之超擢為柱史奉詔求直言敷陳復娓娓舉要獨刪煩規畫中治體且勸早訓儲端本脩

人紀世胄停襲封欲全統袴子藩鎮後阻兵果如馬君指薄斂與均徭必自守令始名言垂千秋可以書丹展

裴行儉

行儉號知人器識在所重王楊暨駱盧浮華黜不用爲將能推誠綏靖黑山眾伏甲起車中所向無遺種賜金給親朋高風奕世頌

褚遂良

遂良顧命臣不附昭儀議以此較長孫立言何剛毅置笏乞歸田叩首首幾碎猶幸死愛州不睹革命際

婁師德

婁公有至德眾爲所包容乾坤遭板蕩旋轉建奇功知人能薦士國老獲登庸又引五王入謀議潛相通革命二十載反正何

讀書集卷第二十五

二

浙江書局刊

川文二

從容人知公長者疇能鑒其忠

狄仁傑

梁公復唐祚不必居其功姑姪與子母一言沁心胸身幾陷刑戮皇天佑孤忠維時有昭德巽言幸相同斗南賴有此赤手銘鼎鐘

李勣

附許敬宗李義甫

高宗溺祚席立妃起義府人人如河南正位尙可拒李勣勸成之敬宗復助語詎意開國臣反與牝雞伍不念文皇勞綢繆歷風雨三人覆國家神人俱震怒

李敬業

李勣逢高宗幾廢唐社稷其孫首興兵其志在復國舉事雖不成君子高其節自足蓋前愆兼視老奸魄駱丞一檄成能生千

戴色

姚崇

姚崇善應變十事堅明主裁決盡須臾况復知今古雖非管晏  
功救時亦可取罷相薦廣平邗家受其祐

宋璟

宋璟亦名相守法執不移痛抑邊臣賞不盡毛仲卮請革仗下  
奏出入諫官隨四方臻富庶關塞絕鼓鞞奈用儇人語輕易去  
端揆致仕書東都所以惜其歸

張說

蓬藝在麻中雖曲能無直君子藉同心名節庶無失吁嗟張燕  
公乃爲二監出惕之以鬼神勉之以禍福廣平謀固忠知幾勸  
亦力一言白正人奸黨免羅織遷謫名益揚他時基相業所以

讀史彙纂卷第五

三

浙江書局刊

五倫中朋友居其一

韓

休 附李林甫

韓休性峭直意欲格君非言終疏卽至忠諫必防微帝容雖日  
瘦四海自日肥無何林甫用遂致天寶危大風拔林木天已兆  
其機

張九齡

附楊國忠

風度羨曲江讜言日上獻失律判重刑阻封援舊典翼儲黜陰  
謀冀邗陳金鑿九齡謫荊州不復與參贊楊李互相傾釀成天  
下亂

徐有功

附杜景儉李日知嚴善思并附酷吏

唐自女主興朝廷尙酷吏所賴諸仁人少免羅織戾徐社必能  
生來侯定速斃日知寬獄囚善思釋冤繫仁人心無私豈爲邀

福計周興偕元禮淫刑多文致施報捷如桴昊天有成例

李泌

鄴侯神仙姿勳名垂不朽善用李郭軍中興功居首况白建甯  
寬兼代廣平剖調停骨月間往往效苦口白衣歸衡陽高風仰  
山斗大厯復召之仍向塵寰走奈何爲元載藏匿少游久奸邪  
幸已誅又試澧州守代宗固爾爾長源亦自取奚不還山中後  
鶴相爲友貞元相德宗措置皆不苟興屯與連和指揮若臂肘  
異言附青宮忠貞庶無負惟不薦宣公斯爲賢者咎

郭子儀

尙父再造唐旋轉在其手回紇盡受盟吐蕃敗之走全消光弼  
嫌痛飲朝恩酒功高主不疑耆年天所授二十四考周將相不  
多有

讀書臺集卷第二十五

四

浙江書局刊

李光弼

臨淮惟嚴重節制自有方善以少擊眾壁壘變輝光納刀藏鞞  
內忠勇無人當希德遠敗走思義遂乞降晚節不如郭擁兵徒  
自強

張巡

附許遠南霽雲雷萬春

睢陽苟不守子奇可長驅烈哉巡與遠保障四旬餘每戰輒嚼  
齒氣已吞賊徒萬春能守法霽雲敢異圖我恨擁兵者張筵忍  
自娛不如伶工死反成烈丈夫

顏杲卿

附真卿杲卿子泉明

二顏眞烈士遣使約舉兵常山守未備八日已櫻城慷慨罵賊  
死凜凜氣如生平原用李萼開崞振軍聲於時遣信使問道達  
神京河北廿四郡翕然自此興立朝惟正色天下不敢名乃爲

盧杞害出使陷忠貞家風世孝友讀史慕泉明

盧杞

盧杞有口辨入相建中衰排陷固非一懷光亦可哀惟有郭尙父小心避其災杞乃奕之子家風安在哉

楊綰

公權儉約聞清風少塵垢聲伎減座中駒從罷車右郭公善成人京兆克自守天意靳太平不獲躋上壽

陸贄

宣公仕興元所學不敢負動人貴以誠名言實不朽罪已下詔書驕悍咸俯首極言瓊林非兼斥延齡醜以此謫忠州不得待左右避禍時閉門醫方日在手至今奏議傳愷切勝韓柳

陽城

讀彙卷第二十五

五

浙江書局刊

隱居在柳谷夙擅有道稱拜官爲諫議默塞竟不鳴及上貶陸贄抗疏守延英誓欲壞白麻斷不相延齡徵科甘政拙撫字敢辭勤

劉晏 附韓滉

劉晏多機智理財見經綸成事不惜費足賦先愛民委任擇士類倉困還河濱勸懲悉有法水旱不待申所以安史後國用不患貧文致出榜炎失此經國臣韓滉雖貢獻絡繹道塗頻與晏兩分結初亦遜其勳

李晟

晟也萬人敵天爲社稷生用兵如三代屢市不震驚車駕勤伏謁吐蕃策敗盟延賞爲私憾幾自壞長城當時諸鎮將赫赫多勳名眞俊及城燹皆爲一世英報國誓無二誰能如西平

段秀實

段公起處候解紛出談笑涇原代治喪定亂非人料宋泚襲奉天遣將已就道倒印司農符追還膽略妙稱帝不肯從忠魂歸仙嶠

杜黃裳

黃裳達權變夙有王佐名崇文其薦舉所向無堅城黑闥既授首齊蔡漸削平惜乎相未久不得致中興君子略小節往往爲人傾

裴度

中書裴令公善斷量亦鉅淮西抗王師軍士畏如虎用度必有功不爲碎首阻中使罷監軍元濟乃就組蔡人卽吾人反側咸安堵朋黨論之詳恥與小人伍實兼將相才甯忍置聞所遺表

讀臺集卷第二十五

六

浙江書局刊

建立儲允爲四朝輔

韓愈

昌黎衛道力子輿後一人當時佛教盛不與楊墨倫裴公平元濟舉朝盡遂巡書生能贊計遂成蓋世勳宣慰至成德數語折不臣平原昔有此峻節堪與鄰文章重山斗更以起衰聞

裴

垠 附李絳李吉甫

裴垠賞諫官綽有休休量親戚一無私用人必咨訪李絳微類之立朝多慨慷偶過蓬萊池慮諫回仙仗魏博不煩兵料敵復精當君子與小人邪正各異狀焉能強之從然後不爲黨吉甫善逢迎如公眞宰相委任惜未終賜笏吾猶仰

李愬

涼公擒元濟全得李祐功攬城居外宅傳呼雪夜中囊韉俟道

左整旅迎裴公綏恩復示禮莫不感心胸用兵能如此庶幾方  
召風

白居易

樂天居禁中賦詩以為諫及其延爭時引義尤不倦請止師道  
錢力卻裴均獻承璀監中軍中使辱臺獻一一盡糾彈曾不顧  
禍患餘風被西湖何嘗謝遊宴晚年歸東都昆弟相友善

李德裕 附牛僧孺

文饒才略優籌邊得其策僧孺棄維州誤國脩舊隙三鎮助出  
師澤潞盡俘馘雖言惡朋黨怨尤終不釋牛以爵祿終李向崖  
州謫天道未易明此中有優劣

許孟容 附柳公綽

京兆居輦轂彈壓在肅清孟容捕中尉守法詔不行神策衝前

讀書彙卷第二十五

七

浙江書局刊

導公綽置重刑是非過剛直所以重朝廷繼此有韓公六軍威  
震驚是尚燒佛骨其鋒誰敢撓

王 伾 附王叔文

叔文事順宗戒其與外事正論感人心因之得入侍雖與王伾  
交猶未攬權勢旋以母喪歸有何踪跡祕八人在當時尚皆愛  
名義以播易柳州千秋頌高誼眾口能鑠金毋乃文致罪

畢 誠

畢誠論邊事援古復據今帝欲求頗牧不意在禁庭任之為節  
度党項遂革心桐材在爨下拂拭吐清音

鄭 注 附李訓

注訓二小人彼此先疑忌處事多張皇安得不速斃甘露謀未  
成北司勢益熾李石視文書流言不為悻殊有大臣風鄭覃資

其計

鄭 敗

黃巢陷東都僭號肆誅夷刺血達行在合兵討僞齊人心既固  
結舉動協機宜所以賊鋒銳不敢窺京西

李克用

藩服盡鳴張晉王奉唐朔臣節誓不違忠貞貫山嶽三戰捷涓  
橋黃巢遂敗勦收兵歸河東人心咸悅服三矢示不忘行師奉  
之告夾寨奏奇功豚犬應爲戮奈何玉璽歸頓忘先王勗小器  
固易盈能無憾覆餗

張承業

承業敕使耳乃心在唐室戮力三十年深謀期滅賊慟哭歸晉  
陽邑邑竟成疾寒夜撥殘膏對之三大息大書唐特進不愧春

讀書集卷第二十五

八

秋筆

王 朴

附張藏英

王朴一偉人平邊獻封事世宗信任之征伐與其議二稅定徵  
輸七調諧音制藏英獨不然受任沿邊使訓練成一軍所向無  
堅銳斬仇祭所親忠孝動天地

詠史詩 宋

趙 普

韓王鼎鑑臣開國多謨弼四方漸削平彈丸自歸一不念金賈  
盟致使弟姪卒紫陽於其終削官以示諭

呂蒙正

聖功器量宏裒然多士冠  
人祿位得沾漑首辭任子恩願居九品殿  
粥若無能進賢日不倦欲令巖穴

張齊賢

齊賢英杰士侖儻多奇氣藝祖定東都決爲宰相器舉動出萬全達識誰能比列幟與燃芻契丹遠巡避用之未盡奇徜徉午橋際

曹彬

宋世多良將廉慎首曹彬仕周使吳越餽遺悉以聞受命伐李煜誓不戮一人歸來無一物圖史燦然陳臨終薦二子用之有奇勳祁奚日已遠此能嗣其芬其後母天下庶以報仁恩

呂端附王曾

坦夫鎖繼恩書笏促入侍孝先賺允恭獨向形墀對兩賢善用權國事因以濟乃知敦大臣無心察苛細君民荷一身温飽非其志

讀書彙卷第五

九

浙江書局刊

呂夷簡附子公著

穎川宰相臣姓名御屏紀秉國十餘年四方賴平治其時宸妃薨力言禮宜備改葬面如生劉氏始無累父母無重輕何爲任廢置諫官勝朝堂已開黨人議書詞兩相違幾誤國家事幸子有申公寅亮愆可蓋

王旦

英英王子明出言眞宰相薦賢不使知奔競非所尙民力軫東南留心務休養奈何受美珠不白天書妄遺命縱披緇難免千秋讓卓矣和靖詩封禪終絕唱

李沆

太初事眞宗端凝有風度西北時用兵老謀反無慮血氣防方剛水早日奏御詎意契丹和封禪日馳驚文靖眞聖人子明後

悔悟廳事僅馬旋流風猶可溯

冠準

寇公乃奇才飲博事已辦勸駕幸澶淵渡河盡歡忭軍聲奪契  
丹稱臣庶無憾人言準挾兵千古能無歎歲幣初議加奉命不  
爲限特召利用還踰約齒吾劔誰謂公不學宵中有成算晚節  
附天書徒負門人諫夫天何言哉一語勝千萬

張詠

益州亂定後恩信在所先脅民爲賊易化賊爲民難市鹽恤戶  
口積穀慰更番自茲免西顧成都賴以全及聞公再至鼓舞夾  
道看恩威有並用深得武侯權

王安石

神宗有爲主越次求良幹安石誤蒼生新法滋大亂皋夔妄自  
矜護非執偏見呂誨袖彈文首先窺其縱天災不足憂人心業  
已變雖有監門圖難破絳惠謾紹聖用蔡京其惡甚惇卞立碑  
元禮門正人盡謫竄學術能殺人臨川乃其鑒

文彥博

潞公福德人廣大無崖岸將相五十秋夷夏聲名燦綜理過少  
年專門遜貫穿當時與邵程交以道相贊功成能退居圖形妙  
覺院斯不愧耆英鬚眉宛如面

司馬光

溫公性忠孝事事可告人平生獨無黨正直天下聞入臨塞道  
路舉手加額頻願留相天下兼以活吾民及其居政府疆隅戒  
守臣中國相司馬慎無啟邊塵決計除新法皇皇如救焚天不  
佑北宋失此秉鈞臣國事託公著慷慨不謀身

韓琦

韓公才器周任事純以膽調和兩宮間危言人誰敢誼敕召守忠談笑除奸險經略著中原青苗論侃侃顧命重兩朝大謀欵能斷所以櫪馬鳴巨星從茲暗

范仲淹

文正尚風節允矣人倫宗宣州聘教授首開學校風曲全劉太后論事見深衷甯有媚夷簡廢后圖優容環慶藉經略兵甲貯胷中敵人互相戒慎勿撓其鋒仁宗既親政用之爲股肱天章給筆札十事罔不從更張雖太急謀國則已忠夏竦忌柄用相業不克終至今稱韓范名與丙魏同

富弼

偉哉富鄭公主辱不辭難單車入不測片語折陵謾增幣非臣心爵賞豈所願輔政得龍圖獻替交相勉一麾知青州荒政尤稱善再入參知政忠義老益見居家一紀餘不敢忘宵旰

歐陽修

永叔正文體不顧士子言仲昌浚河議三疏辨之堅豈其好立異爲國得不然及與魏公相同心輔政難朝廷臻平治濶議乃外遷余觀五代史深得褒貶權若夫朋黨論洵足垂不刊探稿出廢麓先生善法韓

蘇洵附賦轍

老泉晚讀書雄文遂名世作論首辨姦識議何其異父子至京師聲名一日沸元豐陷黨人附致詩文罪太后爲帝言因得免吏議學術雖未純大節自不愧眉山吐奇靈文章爲世瑞一如光燭天一如河行地

趙抃

清獻官柱史彈劾無所私冷面如寒鐵臺閣生光輝輕裘赴西蜀一琴一鶴隨入閣參知政簡易亦如斯

李綱

靖康金人入捍禦仗我公孤軍陷重地勤王悉來攻南仲爲之阻二帝不旋宮公以身許國十事傲姚崇先後與緩急燎然在心曾當日果能用自獲再造功汪黃復讒聞決策避敵鋒在位七十日布置盡成空長城旣摧壞徒自斬陳東

宗澤

宗澤文武才屹然社稷衛若依公提兵何難邀二帝痛恨澶淵行莫參軍府事因之失機宜遂爲汪黃蔽連呼渡河三徒隕英雄淚誰知少陵詩竟作我公詠

讀書彙卷第五

七

浙江書局刊

周惇頤 附張載程顥程頤邵雍

濂溪契道原心與造化洽太極及通書非由師傳力二程從之遊圖說究未習言言時發明曉者自能識西銘教求仁分殊而理一事天與事親其功抑何密邵子居百原得力在靜謐皇極闡精微旨趣擊壤溢歷觀四子書昭然道不熄

楊時

龜山師二程調官不官詣吾道自此南狂瀾力爲徯治邑凡三遷黎民懷厥惠及其居諫垣所陳皆大計和議不可從三鎮不可棄追論蔡京奸力斥安石配高麗問起居如何反輕廢

朱熹

朱子集大成爲學立人極高明可俯從庸眾可企及道統在六經萬古賴羽翼所以遇鵝湖辨論動聲色誠正立朝廷不踰四

十日慶元削官歸一如龜山黜其後諸儒興皆荷纘承力日月有盈虧斯道終不熄

張俊

魏公崇虛名將相皆未盡識闇量鮮容難與武侯比富平棄彥謀淮西拒飛請符離任忿爭中軍不之省一敗不可支中原心骨冷反令畏事徒謝過得僥倖終身不主和差足見骨鯁

辛次膺

次膺爲正言力諫阻和議流落二十年謬謬不爲避思退與義問皆其所論退孝宗重其官不復呼名字渡江稱直臣無與中丞比

韓世忠

附岳飛劉錡吳玠吳玠劉子羽孟珙姜才張世傑

南渡多良將其如掣肘何金人最狡黠始終愚以和我愛韓蘄

讀書彙卷第二十五

三

浙江書局刊

006

王雙目瞬如電屢用背鬼軍殲敵鐵騎陷移師駐金山大小百餘戰祈請詞甚哀邀取兩宮獻時以八千人破彼兵百萬度世不可爲辭職日遊晏湯陰願盡忠涅痕膚裏透用兵不費糧取資在巨寇人識岳家軍痛飲功將就干城一旦摧英魂留宇宙慷慨劉信叔旌旗樹順昌積薪戒守舍車輪埋城牆獻橋誘深入精銳半毒亡金人將北徙中興庶可望二吳方面臣兩川資守勦黃柑獻敵人疊陣更番巧築守殺金坪才略自表表子羽能知人玠璘乃其薦興元鏖戰良退保三泉畔胡牀坐指揮洋梁預徙善嗣後非無人足以資借箸襄陽旣病亡瓜步復疽仆天心自此離獨力難爲助遂令海陵山世傑從主赴

黃潛善

附汪伯彥秦檜韓侂胄史彌遠賈似道

奸人固寵榮善迎人主意但爲身家謀國事非所計君子多疏

虞一綱任廢置怒髮上衝冠徒爲青史穢汪黃宋罪魁南遷失地利秦檜堅主之和議遂無異雖獲首領全天已斬其嗣侂冑開兵端函首傳邊鄙似道誤封疆殞身木綿寺彌遠一再傳子孫無噍類只此五六人堪補檮杌記

趙鼎

元鎮有威名金人屢問狀勸帝親視師經營抑何當並相致異同德遠非雅量往往斥檜奸去位猶倔強身騎箕尾歸氣作山河壯

趙汝愚

誰爲用婦言深恩忘鞠育不朝重華宮洵洵亡可卜眾正幸盈庭引裾齊痛哭汝愚同姓臣艱危一身勗託疾禪嘉王指揮擬片牘請命太后行人心始悅服豈若留相國宵奔離輦歎惜矣有飢鷹在旁思飽欲爲國洵有餘謀身尚不足

讀書彙卷第二十五

古

浙江書局刊

虞允文

允文文武才留心在館錄采石命犒師敵艘忽已蹙死戰礪三軍慷慨以身督敵焚龍鳳舟遁歸揚州陸儒生立奇功兜鍪咸歎服既已識裴公任何不耑屬

眞德秀

附魏了翁

理宗崇理學二山俱不容西山止歲幣五事見丹衷彌遠擠之外歸朝已衰庸鶴山遭擯斥湘人負笈從在廷僅六日使之出卽戎左右惡其直匪惟是三凶理宗亦名耳好似不好龍迄今覽著述洵爲一世宗

李若水

附江萬里唐震陳文龍李芾尹穀李庭芝趙鼎發

忠矣李侍郎南朝一人耳萬里故相臣潔身投止水唐震不署

降執筆地下死文龍指腹中節義文章美李芾命沈忠殺眾後  
殺已潭民盡相從忠亦殺妻子危城有尹公臨難行冠禮欲令  
小兒曹衣冠見祖廟庭芝偉丈夫焚詔殺元使提兵走秦州畢  
命蓮池裏獨有趙池州新詩題粉几就義何容容雙雙標國史

洪皓附張邵朱弁

洪皓流冷山比武少四載張邵繫燕郊大節終不改朱弁置墳  
瑩生還非敢擬先讓正使歸抱印與卧起七騎悔追之已在舟  
中矣天遣三人還所以勵朝士

汪立信

端明有偉畧二策尙可行似道謂狂言抵地怒未平置酒召賓  
佐獨步起中庭猶幸死宋土扼吭最分明千古傷心事特書卒  
於軍

陸秀夫

秀夫在景炎端笏如治世其後立祥興引義多慷慨惟時際搶  
攘何暇治禮義大學日敷陳章句勸親肆使公居興朝致主必  
明獻人臣當危亡有死自無貳抱帝沈海中不足爲公異

文天祥

忠烈性豪華棄家佐軍費艱難獨備嘗此心終無貳養士三百  
年得公死柴市衣帶仁義詞理學得毋愧母骸同日歸忠孝天  
所庇每過丞相祠酌卮歌正氣

趙嗣葉校

河陽趙士麟玉峰父著

受業楊甲壯輯

男 宸黼編

卷二十六

詠史詩

元 一十五首

明 四十首

詠史詩元

耶律楚材

楚材本遼宗立朝稱正色博學多洽聞謨猷見弼直立鈔足軍  
輸四方荷休息得地忍殘民湛恩存都邑守文用儒生三科定

讀書堂集卷第二十六

一

浙江書局刊

法式爲相二十年忠清世無匹讒譖起權臣卒時抱憤悒身後

只藏琴遺文燦金石

姚 樞 附許衡

姚樞崇儒術學道將終身墾田置茅屋宣聖事彌殷旁列六君  
子謦咳若相承編書篋八目平治佐經綸時惟許平仲慕之移  
蘇門綱常能獨任小學尤所遵教學真吾事風徽播成均

廉希憲

卓矣廉夫子宣撫薦白雲夙受孔子戒讜正立朝廷江陵甫平  
定錄舊順民情招攜多遠略千里俱皈誠乃知坐鎮力屹如百  
萬兵公忠決大事宜爲元主稱

郭守敬

守敬官昭文度越垂千古制作盡精微往往絕僞伍水利與屯

田鑿鑿行可舉王恂雖炫奇聞言不敢吐豈獨天文工授時有遺矩

伯顏

元有兩伯顏薰蕕不同類一在世祖時深沈善斷議將兵十萬餘肅若領一隊伐宋入臨安獨免縛袒制桃盞啟讒言清忠究無累握劍立殿廷定策諸王悸豈若順帝臣壅蔽徒自斃

劉秉忠

秉忠領中書養民陳大法律歷殫精思算數不辭雜事主三十年慎密更周匝弼亮推首稱聲名垂六合

史天澤

天澤社稷臣忠亮昭大節元老輔四朝百寮資擘畫長圍築萬山止殺存遺子門庭日悄然大權能自戢曹郭庶若茲千古稱

讀書彙集卷第二十六

二

浙江書局刊

人傑

朱公遷

考亭授黃幹再傳得中行公遷往從之淵源有令名著述罔不善誠正乃其型訓迪因才質言詞更諄諄

劉因

先生資絕人一目十行了及得四子書精義窮微渺銳志學聖賢古道日探討母老始辭徵隱居依蓬葆從遊千里來榮名以終老

吳澄 附吳萊

臨川天下士羽翼在六經慕朱而宗陸德性自高明發言深淵海元善素服膺萊也高不仕著述常滿籩縱橫備變化作文猶用兵高言何淵穎宛若遇龍興

張養浩

希孟高仁義諫阻張燈役禱祠沛甘霖振饑常痛哭勤學毀淫  
祠著書盡忠告

金履祥 附何基王柏許謙

金華四先生仁山居其一先事何與王後乃有謙出理一分各  
殊爲已在所急白雲重人倫氣質須變革講學紹蘭江陳胡不  
能及遂啟宋景濂文獻佐開國

虞 巖

子山嚴制行博習稱明識觀圖效忠蓋經筵屢陳說正心修要  
道得之父師力真草播人間寶之如垂棘

虞 集

伯生經濟才著作輕軒冕學校議一行虛聲自然鮮捍水傲東

讀書彙卷第六

三

浙江書局刊

南海運庶可免煌煌經國謨惜哉無人展築室名陶菴寄懷應  
非淺

余 闕

余公忠孝人精誠貫白日作詩冠鮑謝六經手自葺始仕抗不  
阿振饑免相食保障固江淮屹然如一國講學立軍門人人思  
效力血戰守孤城清塘全大節孝義萃一門千秋罕儔匹

詠史詩 明

劉 基 附子璟

青田仕高安無能展厥勳泛湖占王氣仗策從真人平定資籌  
畫子房差足倫惟庸脩舊隙挾醫隕其身阿璟幼擬重高帝知  
之真可讓不可讓微言折不臣謁仍稱殿下一死報舊君

宋 濂

濂聘至建業謁上同三賢公也素直諒侍從十七年開基定典  
禮大文日星懸考亭慎授受四子金華傳景濂產其地因得私  
淑焉文爲載道器如公自不刊

徐達 附子輝祖

中山平定功十已居其七撫綏中上心淫掠所深嫉二百七十  
年與國同休戚汾陽暨西平福祿疇能及輝祖文皇親忠貞戴  
王室矢節報朝廷凜凜有生色

常遇春

功臣十六族開平遠相從神人田間告遂建佐命功惜乎年不  
永騎鯨赴蒼穹輕帆渡采石俯仰懷英風

王禕

華川王佐才文章稱奇崛奉使至昆明持節不冒屈有子求遺

讀書彙纂卷第十

四

浙江書局刊

川文堂

骸萬山一慟絕終能負骨還忠孝一門傑

花雲 附韓成丁普郎

花雲忠勇士叢射罵不轍遺孤賴神人保護出險阨韓成爲舟  
膠遂效紀信策普郎已喪元提戈猶特立餘皆祀康郎血凝九  
原碧

方孝儒

正學讀書種微乏濟變才燕兵漸逼近束手空徘徊草詔遙擲  
視不爲十族回哲弟善取義賦詩歸泉臺天佑忠臣後特遣魏  
澤來

鐵鉞 附二女

尙書守山東燕王幾墮計登極執我公背立終不對磔之投鼎  
中夾持不得肆少焉油上騰左右亟奔避屍側復如初北面安

可冀賢哉二貞女賦詩以見志

景清

景清報國仇懷刃侍左右文皇見緋衣忽憶雲臺奏誅後猶精  
靈兀自犯駕走延蔓及鄉村狐兔迷昏晝可憐一孤臣九族不  
爲宥所以變姓名逃亡亦非繆種桶與補鍋盡是金門胄猗歎  
負薪者竟向東湖赴叶

練子甯

附王叔英周是脩

子甯執景隆請誅見忠義謁上無遜辭截舌不爲畏探血就地  
書成王今安在當時重彝倫不忍戀名位叔英絕命詞是修觀  
感志猶記左班官其員五十四食祿宜盡心大哉天子誨

張玉

附朱能薛祿姚廣孝

靖難起兵時四人功最鉅策勳首河間爲陷東昌故東平斤羣

讀書集卷第二十六

五

浙江華昌局刊

謀兵敗不旋顧終能勒凌煙推恩及厥祚武陽立戰功望塵敵  
先怖其後討叛藩加封晉槐署道衍好兵書操錢作吳語殺運  
從此開摧殘及臣庶功成歸金闈其姊驅之去文秀而頤長病  
虎得無誤

解縉

附胡濙蹇義夏原吉

解縉稱奇才使歸成大器知人識更精引拔多士類胡濙善維  
持監國得不廢綽有鄰侯風七事回帝意蹇夏喜同心諸賢復  
相濟外丙二十年民安吏亦治原吉憫水災開通興水利東南  
永賴之功與宋禮配

楊士奇

附楊溥楊榮

南楊表清節東楊優遠圖西楊輔監國煤孽同剝膚保身能濟  
主夙夜盡勤劬及其輔宣德獻替多訐謨邊圉無烽火闔閭有

積儲君臣無猜忌宴樂不爲諛後人譏媚與吹疵無乃迂

薛瑄 附胡居仁羅倫章懋張元楨陳覓晨曹端何喬新羅欽順邵寶

文清粹理學倡起在河東致政因曹石多與拒振同敬齋居業錄深明作聖功倫懋復繼之闡揚振宗風元楨止賸夫不與聘君通得力在主敬一言徹始終曹何及羅邵踐履皆從容溯源自閩洛德温乃其宗

吳與弼 附陳獻章莊景鄒智黃仲昭

康齋薄諭德因之遂辭爵日記鮮精深言輒以夢託獻章師聘君六經等糟粕姜賀競從之肖像奉齋閣定山偕汝愚忠節素灼耀仲昭亦諫臣骨力自不弱而乃異程朱主靜爲其學或曰近於禪此言洵非謬

周忱 附况鍾

讀書彙卷第二十六

六

浙江書局刊

文襄撫三吳利興弊亦革開府十餘年閭閻被恩德亦賴况鍾賢與之共僇力下車瞰奸胥彌月始宣敕頓越瘴空中一郡悉戰慄定法徵稅糧至今永爲式清獻與益州非公誰能及

王振 附汪直劉瑾

刑餘亂人國自古類若茲王振竊威福土木致喪師汪直仗兩鉞朝士靡有遺劉瑾賴太后罪狀初猶微洛陽諸老去淫戲無禮儀地震兼星變宗社岌岌危太阿不在手政柄悉下移內臣禁識字開國有良規此輩少忠盡幾人如雲奇

于謙

少保救時相幼爲古春識巡撫晉豫邦九載沛恩澤廊王繼立時擒順勢岌岌扶掖命眾歸從容愧王直置謀復陳兵回鑾賴其力國重君爲輕功成禍亦亟

徐有貞 附石亨曹吉祚

上皇在南宮貞等圖復辟曹石與其謀請乞無厭數妖書何足  
憑魏武究難釋不免赤族誅翕訛有何益事後思英宗使我心  
猶慄小人貪天功危哉奪門策

彭時 附商輅姚夔

憲宗隆所生慈懿議外厝三公獨抗言引禮爲依據哭聲撼文  
華君心尋感悟國家有老成元氣自扃固仁宣兩代時皞皞滿  
朝署英廟至武宗亦多黃髮助若言正紀綱愼王不能蠢無如  
三人賢庶不愧民譽

三澹

文莊陳時弊愷切能批鱗著作高千古補義佐經綸劉吉含譏  
刺先生道愈尊平生三大節嶽嶽難與鄰

讀書集卷第二十六

七

浙江書局刊

メリ文

楊一清

文襄吾鄉賢才品自卓越勳名著九邊經理無遺策後及秉國  
鈞知人善推擇憂瑾亂國家密爲張永畫歸奏果允行談笑除  
奸逆安化與宸濠興兵甘作孽薦舉仇并王兩藩旋覆滅功成  
人不知金甌永無缺

孫燧 附許達胡世甯

忠烈有機謀綢繆未陰雨築城請增兵器械遷外府逆藩亂天  
常戕孫遂及許當年棘闈中神人夜半語好事須三人姓名含  
未吐孫公嬰其鋒文成犁其宇誰爲發其奸則自端明舉賢臣  
不虛生天爲國家輔世甯有武功清節更可取

王守仁

文成經濟才克定親藩亂投檄離腹心牽制不敢犯一戰捷南

昌擒濠兵遂散餘力盡蠻荒江廣慶清宴先生提良知非與程  
朱判欲人求諸心不爲事物眩增城與山陰支分派亦遠紕繆  
如姚江其學遂大變以此罪伯安無乃非定案

梁 諸附舒芬

武宗遊無度自稱大將軍冠履旣倒置上下何由分梁儲願齒  
劍不敢臣名君秦王請田畝微詞勝批鱗已而欲巡幸交章跪  
午門舒芬首疏入百官次第陳風節固矯矯杖謫百餘人

楊廷和 附何孟春豐熙楊慎張璠桂萼

繼統非繼嗣論自張桂宣不忍背與獻世宗情固然諸臣執禮  
諫惟恐君有愆奈何詔下獄爲首俱戍邊璠專取高位舒芬劇  
可憐並帝并配廟獻諛非所安

嚴 嵩 附子世蕃夏言曾鉞

臺臺集卷第二十六

八

浙江書局刊

分宜容悅臣始進不以正齋壇薦青詞紗巾香葉映秉政忌桂  
洲遂設曾銑筭父子各恃權賂遺無遠近公卿日候門禍福任  
喜愠應龍首劾之次之以林潤子孫戮市曹萬姓盡稱慶

沈 鍊

青霞卑秩耳意氣獨豪邁醉後誦出師其音慷以慨抗疏劾權  
臣十罪不容貸大臣噤不言小臣言胡怪惜矣千里才竟爲宵  
人害風骨比容城綱常賴不壞

楊繼盛

馬市初建言貶謫赴狄道仇鸞旣已誅召還凡四調感念君父  
恩遂以罪奸告血肉杖淋瀝桎梏何其暴觀者塞路途欲識忠  
臣貌浩氣還太虛丹心千里照祠宇在容城有司獻芹藻文集

荷 龍褒重刊藏遺廟

海瑞

忠介令清安上書迴車騎驄馬巡應天豪強斂手避抗疏糾朝廷優柔無斷制仲文身已亡齋醮猶繁費震怒下法曹旋已復其位神宗進僉都士民守法制九月卒於官葛幃蒙布被直類比于忠清同孤竹詣國家有斯人鸞鳳不為瑞

張居正

居正為首輔不無輔導功褊礪似趙普剛鷲類荆公安璫逐故相奪情杖羣忠歿後遼妃訴抄籍勿少容田蚡雖自取漢元恩不終

申時行 附王錫爵

神宗奚所寵立儲屢停留二公爭國本法異無不周研朱讀奏疏忠毅懷隱憂大臣安社稷當以此為優

讀臺全集卷第二十六

九

浙江書局刊

魏忠賢 附客氏

委鬼當朝立茄花滿地紅內外深相結何以忠熹宗事權歸義子生祠麗行宮縉紳遭荼毒死後猶逞凶七等定罪案卻與天寶同

楊漣 附左光斗魏大中繆昌期黃尊素李應昇周宗建

挺擊固防漸移宮實愛君紅丸不嘗藥亦欲大義申奸黨借三案羅織諸正臣小人圖富貴以此進其身九死誓勿易拷掠不認聞填尸在獄戶追比及宗親要典非定案請以一炬焚

周順昌 附顏佩章楊念如馬杰沈元周文元

周公尙清介素為閩里稱廓園過吳下結姻弟縱橫魏黨咸側目逮之赴燕京吳氏思營救哀籲集公庭忽聞上公旨奮擊出輿情公既沈於獄五人遂典刑笑殺義子輩徒自負文名

顧憲成

附高攀龍

東林建書院始自楊龜山高顧用其額講學九峰間從游縱有  
匪猶不踰大開攻者不遺力考之皆貪殘高公恐辱國衣冠投  
潺潺何異騎箕尾千載渺難攀

楊嗣昌

流寇起飢民勦撫策宜速嗣昌親督師泄泄無成局自成奮延  
安獻忠發良涿滋蔓遂難圖宗藩遭大戮一死謝朝廷生民遭  
荼毒

劉宗周

宗周立朝時遇事能直諫追維懷宗初除奄抑何善已乃任刑  
餘機務悉參贊民貧賦日加將驕兵不戰二三浮夸人置身歷  
顯宦大厦從此傾一木何能撐

讀書彙卷第二十六

十

浙江書局刊

王承恩

闖賊陷大同九門烽火逼平臺召羣臣守禦無一術朕非亡國  
君千古使人側回宮進數觥自經煤山側遺言無苦民以身殉  
社稷淒涼之從臣承恩死其北

范景文

附李邦華倪元璐施邦曜孟兆祥吳麟徵周鳳翔  
馬世奇劉理順汪偉凌義渠孟章明吳甘來陳純  
德成德金鉉許直宋天顯劉文炳張慶臻衛時春鞏承  
固

此皆殉難臣宇宙推正氣或傳父子亡或偕妻妾逝或走文信  
祠或齋靈均志一一載青編名與天壤敝賊黨亦敬之不敢登  
其第彼圖富貴者盡陷若盧地求死尚不能拷掠五刑備宗社  
一朝傾 天命歸 聖帝瓜瓞自綿綿子孫億萬世

跋

鳳凰棲梧桐鳴梟集叢棘歷觀治亂朝此理自不忒故余論人

臣可以明主極表正必形端非獨咫聞益

讀書堂綵衣全集卷二十六

讀書堂綵衣全集卷二十六

士

浙江書局刊

六十一

張白生訂

河陽趙士麟父玉峰著

受業謝 儼輯

男 宸翻編

卷二十七

滇南詩 八十五首

余作詠史詩成簡同學諸子

千秋青史待平章  
消遣閒居歲月長  
刻燭偶然攄一得  
操觚終自愧三長  
放開眼界歌吟壯  
盡展胸襟意興狂  
幸有花陰下酒物  
猶能重聚讀書堂

出郭途經廢寺

出郭路逶迤經過廢寺基  
矮牆師亂竹古木叫寒鷄  
苔蘚緣碑

讀書堂全集卷二十七

一

浙江書局刊

碣雲煙護屐屐流連松逕外猶見一僧隨

促織

明月嗁何急淒然感我心  
離鴻增別緒班馬失哀音  
葉落憐同響霜高怨自深  
秋來恆不寐牀下莫相侵

貧

君爲吾故人相依復相親  
謾說文爲富敢誇席有珍  
鳥聲嗁未歇書卷靜無塵  
頗解幽居樂澆花不厭貧

是貧非是病慈母喜能安  
籬舍惟容膝園蔬可當餐  
秋光穿薜荔春雨長琅玕  
賸有牀頭酒殷勤召故歡

己亥平滇紀勝

地介蠻荒聲教遠頻年寇盜阻重圍  
黃巾煽亂誅求盡白馬橫戈煙火稀  
春燕已巢林木徧秋鴻惟望塞垣飛  
幸逢 聖主綏

南服萬里長驅仰 帝威

熊羆南下萬民蘇後舞前歌滿路衢疾似秋風驅敗獐藹如霖  
雨潤焦枯帝王自具懷柔策將士多嫺櫓組謀從此太平應有  
象市屢喜見醉人扶

彩雲現

漢祖有天下秦政爲執及唐公一海內隋堅爲驅車小醜肆殺  
戮皇天憫無辜爰命我 神武定鼎在燕都十年遂一統其易  
如摧枯轉戰入黔滇鳩鴿迎道塗聞風蟻賊奔安堵苗民宴扶  
攜老稚盡歸來乾坤開朗昏翳散將士簡桓赴有司遴卓魯輕  
徭薄賦慰烝黎市有醉人歌且舞六詔安五華奠君不見彩雲  
現

還里

讀書堂卷第七

二

浙江書局刊

妖氛此日盡驅除將母依然里巷居幸得懷中分陸橘那愁花  
下乏潘輿牆陰蔓草無人薙屋後荒畦待雨鋤 聖主求賢聞  
若渴季春應必聘弓車

讀書堂四首

威鳳鸞羽采祥麟布武仁君子有文章瑞世如鳳麟文章貴適  
用淹博非所珍春花何豔冶轉盼委清塵流水異原泉易涸亦  
易湮余志在刪述六經探其醇道明辭自達理足氣能伸百家  
等燭火不如孔孟尊所幸生其後可以晨夕親科名與溫飽兩  
者匪思存

梧桐生岡阜苻藻產溪陰出處苟不慎身與名俱傾讀書爲世  
用康濟乃其心小草匪余慕抱膝時一吟世亂網罟密舉足墮  
嶽嶽所以伊呂輩避之恐不深

發篋理殘帙心胸爲之開衣食苦不足城郭爲蒿萊幸有素心  
友彷彿陳與雷疑義時過晰論古見高懷人生陟患難憂深識  
自恢譬彼松柏姿明堂仰崔巍苟非飽霜雪何以成良材東鄰  
有窈窕坐待窶修來

朱絲雖可繡不如布帛完芳蘭雖可佩不如榱棟堅君子志遠  
大往往圖其難才猷不輕試含光外闔然處則習俗厚出則宗  
社安余年甫弱冠憂煎非一端天地或有意庶幾其勉旃寸陰  
良可惜先民有遺箴

花下邀友人飲

亂後庭前桃李開翩翩黃鳥去重回謾勞伐竹編茅屋且看飛  
花落酒杯世事更番如電火人情冷落異燃灰幸無戎馬來郊  
外乘興拈題帶醉裁

聞琴

隱隱鶻弦度短牆小窗獨坐謾焚香聽來有韻聲彌淡彈到無  
音意更長石畔好花連夜發松陰仙羽九霄翔此中大有幽人  
在不向蓬萊學裹糧

白丁香

兵燹猶存此貧家更足怡風前玉貌倩月下淡妝宜堪助鬢鬢  
飾頻來蜂蝶窺心憐戰伐後香氣逗殘枝

檐梅

老榦穿檐立清姿洵絕塵香飛疑作雪花發早知春酒載騎驢  
叟詩題放鶴人孤芳余自賞坐臥不嫌貧

稽田

春曉頻聞布穀嘯攜鋤負笠渡溪西雲開雙隴紅輪起水繞秧

田綠葉齊雜草斜飛隔圃蝶扶犁遙唱短牆雞五風十雨豐年  
兆沾得香醪拚似泥

田疇交錯翠煙封舉趾欣看亞旅從欲識艱難親稼穡敢辭櫛  
沐望崇墉典懷藝黍期將母兼事摧枯爲禦冬經濟不離耕穫  
外姬公當日晚明農

治圃

刈草栽蔬不憚勞宛如仙蔚隱蓬蒿時從田畔披簑笠獨向灘  
頭理桔槔瓜架初成蒼鼠竄豆棚將落冥鴻高莫言老圃非余  
志常侍山陽興會豪

村居

吾郡人家近碧岑幽居何必買山深披帷不覺圖書潤啟戶惟  
看樹木森雲氣千般鳴好鳥煙光一抹掠飛禽請迴俗士巖阿

讀臺全集卷二十七

四

浙江書局刊

駕久僻但懷泉石心

賦得山靜似太古

棲隱何煩更鑿坏爲離城市少喧豗懸崖日見花開落絕嶂頻  
看鳥往來月冷猿聲嘯古樹霜寒虎迹印蒼苔此身如在黃農  
世遙聽疎鐘隔寺催

僧寺

欲靜塵心到梵宮香燈冉冉近城東金爐煙散諸天外寶炬光  
疑千佛中妙諦卻隨清磬出世緣盡向法堂空笑余微與淵明  
異時步溪橋謁遠公

大木

千尺喬柯聳道旁凌雲概日獨蒼蒼容人坐臥清陰滿與世推  
移歲月長豈若巢枝喧鳥雀甯同溝水飾丹黃山深那得般倅

顧敢擬明堂作棟梁

辛丑補行庚子科鄉試

聖世賓興徧草萊昆明 特詔選賢才秋闈卻向春闈補武治  
方新文治開養蠶幾隨鬢泮伏觀光初自棘門回而今始遂青  
衿願遙憶春萱倍覺哀

鄉試獲雋有懷先考妣詩以紀之年三十三

侵晨聞報錄雙淚漬衣裾痛定徐思痛驚魂尙未紓昆明異中  
土僻在東南隅憶昔寇氛亂所向止一屠賦重鮮完室役煩民  
苦瘡苛政猛如虎衣冠盡剝膚十戶虛其九州邑成丘墟非不  
念墳墓但欲免橫誅存者受荼毒凶者緩須臾總是溝中人不  
用重躑躅舊俗列庠序稍得免追呼父子被拷掠望若登雲衢  
親逝乃幸獲何心耀里閭未能刷前恥祇覺痛如初作書寄地

讀書龕卷第七

五

浙江書局刊

下父母亦嗟吁

昆明十二景

金馬朝暉

千秋佳氣挺名駒地在城東路不迂日色纔從青海現山光幻  
作紫雲鋪宮花隱現三河繞錦石玲瓏一塔孤聞道當時曾攬  
轡雄風猶自鎖松梧

碧雞秋色

秀色西來壓萬重天開一朵碧芙蓉平池積水涵孤影落葉疎  
林逗晚鐘翠岫昔傳彩鳳集蒼崖今見白雲封王褒去後無消  
息時有文人載酒從

玉案晴嵐

四時嵐氣繞山陂獨有晴明景倍奇倒捲雲根白似練瀾漫峰

頂翠如帷堪供文史千秋玩可伴仙人一局碁俗名碁盤山欲趁曉窗親染翰愧無摩詰畫中詩

### 昆池夜月

萬千氣象香難哦擬似昆明向晚波金屋仙姝初出沼瑤臺神女忽凌波青山蕩漾維舟楫紅蓼蕭疎隔薜蘿一幅晶簾清肺腑此身突已犯銀河

### 商山樵唱

采芝人去夕陽流樵子行歌互唱酬隔嶺煙雲來牧笛前村燈火引漁謳松閒度籟清如瑟池上生光幻作樓勝迹縱非棲四皓神仙應駐此山頭

### 官渡漁燈

一片煙光水面青漁家泊艇聚前汀只疑籬舍穿殘火不信銀河倒列星細網暗隨明月下清歌卻倚蓼花聽登高望遠情何極未許靈均擅獨醒

### 螺峰疊翠

翠黛誰將插碧霄峰迴路折望來遙半空樓閣山腰現一派笙簧澗底調怪石成圖多錯落神龍脫骨已先飄石穴有龍骨秋風洞壑眞幽絕鱗甲紛飛起汝寥

### 柳屋拖青

張緒風流近已稀九龍池畔報芳菲絲拖繡綫迷青靄浪感波紋接翠微月下低吟楊柳曲風前搖曳薜蘿衣如何乳鴨灣頭屋不共扁舟載伎歸

### 雲津夜市

盤龍屈曲達雲津列肆分棚夜市陳燈火參差延賈客笙歌宛

轉惱比鄰旂亭時有香鬟入幕府無勞羽騎巡始識太平眞氣  
象采風如對葛天民

高曉晚舟

路近華亭自坦夷村居臨水竹編籬斜陽爭渡人聲沸薄暮開  
帆月影移十里煙波連睥睨一聲欸乃起烏鷺徘徊祠廟楊升菴太  
祠風彌古想見先生議禮時

五華鶯繞

五華形勝甲昆明冉冉雲煙古木平四面湖山環似玦萬家燈  
火市如城閒攜綠蟻時招鶴好擘黃柑日聽鶯最愛臨風相贈  
答憑欄倚徒不勝情

龍泉魚躍

泉有蟠龍龍不見惟餘龍子百千羣池中時戲三焦石檻外常  
蒸五色雲狎見遊人浮水面偶逢晴日簇波紋年來水旱全資  
爾方社無忘報祀勤

讀臺龔卷第七

七

浙江書局刊

太華山

西南關靈邃名與華嶽齊秀削俯千仞松頂有丹梯厯級出雲  
表佛巖良在茲椽題尙輪奐香象復威儀凌高望昆水新月漾  
海湄一碧瀉萬頃澹蕩徹鬚眉況有輪囷樹盤鬱數十圍眾鳥  
欣有託迴翔不住嘯其右有妙定寺名層折陟險巖飛雲勢突兀  
關太清路逶迤名宮常疑風雨至忽幻煙霞奇穿菴朱家菴訪道侶  
流連憺忘歸何必華山令縑繩渡昌黎

太和宮

昔者有仙人偶過太和麓太和天門開巍峩三重築殿宇鑄黃  
金燦然奪心目周圍設朱欄蒼石爲之蹻兩楹祀眞武規模自

嚴肅深院植琪花簾櫳異塵俗展卷讀黃庭丹房火初煥夜半  
激松濤鐘磬互相續我來仙橋邊溫潤光如玉庶幾一遇之爲  
母遐齡祝

進耳山

攝衣陟山椒昆明已全挈一水抱孤城煙靄倏沒滅峰頭五老  
來相讓如磬折下有二龍湫不盈亦不竭山半嵌精藍團瓢信

幽潔春秋發檐花

茶桂皆合抱

遊人日不絕旁建掌夢祠

有謠神土子祈夢多

紛紛日趨謁科名豈足奇所重在氣節問心應自明土偶焉  
能說不如沽村醪醉酌松閒月

妙高寺

茲寺何紆折珍木鬱以蒼距城三十里遊騎如康莊梵宇接雲  
漢纖塵不得藏傳有遺珠在其說恐未詳良由地氣暖土潤風

讀書臺全集卷第七

八

浙江書局刊

不揚因之訪靈境祇園羅中央山茶百年物虬枝勢激昂花開  
綴火齊爛爛自生光此株滇南少不數蒼蘄香登樓縱遠覽仿  
佛雲錦張

羅巖寺

昔爲避暑宮今作羅巖寺鐵壁聳千尋橫空杳無際佛刹何峩  
峩仙臺亦富麗乘興偶來遊流覽苦不逮老樹飽冰霜清陰散  
庭砌槎枒與檐齊盡作虬龍勢昆湖當其前隱隱逗蒼翠人行  
明鏡中形影宛如繪山以樹生妍樹以石而媚胸次固悠然登  
覽迴以異乞靈結蝸廬讀書以卒歲

西華洞

五丁開鴻濛曳裾時獨往磔磔棲鸚鳴藤蘿盤其上入門寬以  
平巖穴盡開朗布席可千人尊壘恣延賞旁有一掬泉淙淙流

沆瀣綠楊閒，緋桃春風自。駘蕩徘徊洞壑閒，輒作武陵想。雞犬不聞聲，漁父又焉訪。坐客橫焦桐，一彈眾山響。

### 菜海子

澗城菜海子，乃在棘門西。振衣不甚遠，寒波幻淪漪。時惟五六月，茵茵香風吹。不用輕舸渡，襍坐有芳隄。金盤雪蓮藕，玉井夏所稀。曩曩垂楊蔭，依依鳧雁飛。遙望綠窗女，雲鬢啟朱扉。容儀相映麗，與花鬪妍姿。憑欄不覺久，日暮采菱歸。

### 近華浦

人生幾輻辰，安得聚山水。小浦岸中央，一望無涯涘。荷葉影田田，芳香綴瓊蕊。隨意坐亭臺，鷗鳧驚復起。憶昔有樓船，狂歌發皓齒。徙倚夜忘歸，上客皆朱履。而今委頽波，風景猶爾爾。垂楊唳鶯聲，殘紅落澗汜。白雲屯其阿，月在寒潭裏。睥睨天地閒，西

### 讀書齋卷第七

九

浙江書局同刊

### 湖差足擬

歸化寺 此下續入

東隅有化城，夙爲餞別所。垂柳雜松簧，離筵可折取。金碧劃然分，凌空若飛舞。舉步挹花香，憑欄聞鳥語。迴廊捫古碑，書法駕虞褚。碑爲升菴大史書講堂聚十方，經函充棟宇。寺梵書最備精舍世所無

嘉名錫制府 學海精舍爲范公題

### 雄川閣

高閣夜燃燈，光明達天曉。雄峙上流中，百里在懷抱。帆檣利涉之，盡望以爲表。

### 鐵封菴

丸泥塞函關，此獨封以鐵。菴藉洞爲基，幽邃深難測。有僧荷笠來，雙趺不履闕。一坐數十年，鐘磬娛朝夕。左右繞流泉，澄泓自

不竭築亭置其間亭名冰壺濯魂魄升高望城中煙火萬家列地必以人傳品題仗拔剔自非柳柳州焉知景奇特

彩雲樓

漢武得滇南彩雲天上見世已閱千年彩雲終不變層樓燦香燈傑構侵天漢江勢浩縱橫魚龍波中現籜束得其歸循塗登彼岸居巽司文章後起多俊彥乃知經世臣樓為督撫共築恩施及閭閻何日賦歸歎登樓望蔥蒨

龍淙石屋

文章變幻惟天地山水從來結構異行盡江北與江南不聞名勝同位置天然石屋出華峯深靚渾如一畝宮中有清池甘且冽迴風激石聲春容石香橋宛轉溪陂陀曲折路欹嶸古樹千年蟠絕澗白鹿銜芝過水湄水湄之北見盤谷窈窕玲瓏堪託足龍湫巫峽紛飛來靈奇不事五丁斲一草亭邊花氣香銀濤雪噴騰寒光與酣落墨如飛雨不減當年濡髮狂松風謾謾發天籟翩然石丈來塵外亭亭玉立聳千尋米芾過之應下拜

蓮臺金卷第三十七

十

浙江書局刊

激陽十景

金蓮捧日 文廟建此

蓮花峰頂影重重捧出金盤隱頰松曙色初分開菡萏夕陽返景射芙蓉披離五彩明丹鳳照耀六經起燭龍從此乾坤常不晦文明萬載煥堯封

玉筍擎天 名又筆峰

青峰遠峙入湖清秀骨嶙峋淨若瑩似筆生花詞可寫當云作柱手能擎波光蕩影終須直風力吹襟自不傾四壁無鄰真突兀千巖萬壑羨孤撐

仙湖夜月

俞元勝迹問仙湖一片煙波點荻蘆天上自來通碧海人間不  
道有蓬壺鳧鷖泛泛眠沙渚桃柳陰陰入畫圖最愛夜深蟾殿  
啟琉璃萬頃一痕孤

羅藏朝雲

地連北斗鬱岩崑曉起惟看旭景饒一縷寒煙迷谷口千重白  
練鎖山腰香燈直到上方見雲靄應從亭午銷華嶽名高須讓  
此遙知神女紫鸞朝

萬花春谷

風和日暖共幽探白白紅紅種未諳豈是天孫織錦室還疑仙  
女散花龕香車寶馬紛無數載酒彈琴興倍酣閨苑瑤臺差足  
竝莫教人認小江南

讀書集卷第二十七

十一

浙江書局刊

九苞鳳城

鳳城遙接鳳山隈鳳翥雲連百雉開瑞應已徵千仞外德輝猶  
帶九苞來西山爽氣迎秋入東浦榮光逐曙催煙樹萬家蔭似  
錦此身已覺在蓬萊

西山伏虎

西山律律有仙蹤古刹凌雲響梵鐘寶相莊嚴能縛虎花宮迢  
遞近盤龍登臨祇覺無寒暑嘯詠常思憩柏松自是諸天多法  
力萬年食福慶時雍

東浦流虹

泉聲瀾瀾度平沙灌溉東方利賴賒遙望彩虹趨瀾底卻隨舞  
鶴到山家層層碧樹籠高寺濯濯遊鱗戲淺涯水閣風亭客坐  
嘯詩成隨意酌流霞

華藏招提

華陽東峙五雲閒一徑迢遙次第攀六詔山川開梵宇千章樹  
木隱禪關峰攢巍閣丹霞上水遶平疇綠玉灣傳自齊梁名最  
古香林紅葉曉斑斑

碧水漣漪

泉流浩浩注西陲水色晴光盪碧漪四面澄潭清肺腑一池寒  
玉照鬢眉魚龍隱現搖萍梗臺殿參差冒柳枝勝事年年沂浴  
候春風童冠樂難支

豔體二十四首

紅嬌綠映坐調笙玉指流纖作鳳鳴斷續聲從花外轉倚樓人  
聽不分明

翠影亭亭畫不如南窗北牖照流蘇開顏盡卻鉛花水合豔輕

讀臺集卷第三十七

三

浙江書局刊

那碧玉除

衣著輕紗佩辟邪花前長駕六萌車金釵到處迷香蝶玉鏡開  
時縮髻蛇

羣葩晝午帶輕陰耀綠舒芳滿近林深夜華燈翻翠袖從容顧  
步舞春心

鏤玉垂蘇帳似冰凭牀稚女結金繩嬈鬟來約池塘去何處香  
風唱采菱

豔豔明眸薄暮天朝來開遍若耶蓮輕風微動搖空碧一段嬌  
香過畫船

明璫皓齒麝蘭香挈伴春園共采桑攬袖高攀不及葉花茵小  
坐看鴛鴦

美人日午靜焚香刻竹雕金鏤玉牀春睡海棠何足比空濛煙

雨暗瀟湘

冰雪爲姿玉作膚江皋何必訪仙姝嬌憨應任九成帳聲價須  
傾十斛珠

月輪初駕晚風涼簾幙新施八尺長臨浴不須投豈惹冰肌玉  
骨自生香

鶯聲噤噤柳毵毵側向金塘整玉簪莫折蓮花憐並蒂新栽萱  
草爲宜男

冰簟輕排催鬪草湘簾半捲暗藏鬪不知梁月窺人笑輸卻金  
釵當酒籌

羅帳低垂鴛枕斜淡雲籠月月籠花名葩未必如茲豔神女空  
勞駐彩霞

玉樓金屋隱重重百和香飄翡翠濃絕勝清溪開菌苔宛如初

日映芙蓉

畫閣佳人曳繡裙簾開扇織錦鴛紋春纖欲掬冰壺水香汗滴  
成五色文

穩插六安雙玳瑁新裁八幅兩鴛鴦含毫學草鵝羣帖信筆塗  
成醉海棠

結縷約黃巧出意焦桐纏玉澹生煙不彈少寡文君操獨愛南  
薰解溫絃

寶鴨煙消空撥燼綺臨月送可憐光金釵十二隨君取莫教深  
宵冷妾牀

與郎共奕子丁丁妾偶推敲郎便贏降卻詩魔攻敵壘衝開鐵  
陣見奇兵

繡罷寶幡供法筵獻花愛獻並頭蓮並頭蓮下雙鴛浴雙浴雙

飛玉岸邊

春去春來年復年美人勝日競鞦韆清歌妙舞尋常見五色雲  
中那遇仙

月下風清冷畫裙衣香一路暗氤氳銀花絳樹開千丈佛火神  
燈幻五雲

幼小拈鍼初學譜垂髫誦賦頓成篇而今二八團雙鳳深夜挑  
燈列女編

蠡杯共酌石榴酒金母遙將玉案桃垂翠舒璫開倩靨凌虛仙  
子輒香醪

先生少時氣象巖巖不輕言笑略嘗戲之曰甯爲豔體詩乎  
曰何妨援筆草此恐溫李遜其風華也

後學刁略謹識

讀臺集卷第二十七

丙

浙江書局刊

一三六

施發甲校

河陽趙士麟玉峰父著

受業趙嗣葉輯

男 宸繡編

卷二十八

北征詩 四十九首

癸卯孟冬余自河陽抵會城公車北上彙錄途次所經附以

題詠顏如右焉

出門

驅車出郭公曖曖晨熹起親友詣河梁殷勤勸酒醴豈不懷倚  
閭致身親所喜滇南氣候暄凌寒媚桃李振衣上高岡萬里從  
茲始

讀書堂集卷第二十八

浙江書局刊

雲南古滇國彩雲見南中故名禹貢華陽黑水惟梁州是也

金馬毓靈碧雞紀瑞山川明秀風土溫和數百年來教養聲

名文物之盛埒於南中時人呼為小江南非復舊志所紀載

採風者猶摭拾百濮楚道陳言而樂道之徒泥古而不識今

陋矣府十里許寺有杉二行左右共十一株高有四五丈大

可七尺許蒼古森秀蘭若亦潔雅二十里板橋驛亂石嶙峋奇甚東

龍泉觀一水而分為二見郡志

自歸化寺至板橋驛

我來歸化寺東西古杉植以策細數之盈十又餘一森秀撲鬚  
眉檐宇亦修飾流連日將徂僕夫促之出行行至板橋亂石何  
繡錯驛東兩龍湫昏黑不能測據枕夢精藍霜月穿林薄

板橋驛二十里潭水蹌驛本縣名後改有湖百餘里即楊林

驛接嵩明州謂之嘉利澤菱草映小白鷺羣飛漁舟搖漾水  
瀟湖外山連雲如城郭產魚美甲滇十五里河口村十里梁  
池中經大鼎山登準提閣可望秀嵩湖

### 楊林湖

白鷺青鳧掠小橋楊林湖畔見輕舸雖非丙穴魚偏美急取青  
蚨佐火堯火堯卽燒酒鄉人隱語

### 準提閣

高閣清虛四望開漁舟蕩槩出沙隈荒山蕭瑟惟羈旅千頃湖  
光撲面來

易隆五至小俗傳關壯繆少子有武侯祠祠外松一株大四

圍高五丈色白盤互天矯如龍西南一株大半之武侯昔會

盟其下蓋千餘年物也十五里有高山流水四大字下板橋

## 讀書臺集卷第二十六

二

浙江書局刊

十里白塔鋪三爲漢益州郡地

### 謁武侯祠

嶺上行祠接絳霄武侯當日駐征輅會盟自是興王業帶礪思  
同率土朝遺廟時聞金鼓震孤忠化作玉鱗飄吳宮魏闕成灰  
燼此地烝嘗永不祧

### 白松

祠外蒼巖漢二松亭亭玉立鎖芙蓉千年冰雪藏鱗爪天矯盤  
空似臥龍

### 青石橋

書法遙看選寸深橋邊策馬特相尋鍾期去後誰能賞流水淙  
淙漱玉琴

### 黃坡謠

彝人喜和歌歌合兩相可贈以野薑花苔以老米果

其二

山遺羅漢果地產救軍糧蠻方多佞佛蠻奴多侍強

馬龍三十里響水鋪二十里舊有縣川平可走車輪交水下

流五十里謂合盤江螞溪而合之也三十里阿幢橋有道達

曲靖府

白水驛

微霜山轉秀可作畫圖看石怪錯如趾松深高及肩黑風山嶺名

吹落木白水映晴川聞說前途峻今宵且縱眠

白水驛三十里清溪鋪二一作青洞口懸崖可十丈餘皆壁石

作海濤紋中垂石若柱旁豁兩門面溪流中宵深炬火入之

有浮圖龍象芝朶雲英諸物皆石乳融成入三十步聞水聲

讀書臺集卷第二

三

浙江書局刊

不可進一至平二即多羅衛也地至此平彝故名二十里日與

貴州接界十里平彝所三亦資孔

清溪洞

巨靈何年闢此宅懸崖蹴浪高百尺仰面蛇行未易探側身緩

挂不容掖以火燭之心始驚虎豹縱橫蛟龍搏更有仙佛乘雲

濤香幢華蓋絲絡繹徐視方知石結成巖竇涓涓擬玉液再進

泥瀟不可行惟聞足下泉聲溢清溪洞可棲真在人境鮮囂塵

但恐他日驅車過風雨迷離難問津

題滇南勝境

天開勝景彩雲生金碧由來獨擅名唐代車書通詔外漢家臺

沼傲昆明四時花柳無寒燠萬戶桑麻絕戰爭此去漸看萱舍

遠登高陟屺不勝情

亦資孔過雲南坡二十里大坡鋪鋪經鸚哥嘴有鸚鵡寺懸崖

千尺下臨絕壑兩峰橫出如翼二十里普化縣三十里新陳

鋪

### 雲南坡

地今接貴築坡尙屬滇名路入羊腸曲雲從馬首生三溪環似帶一嶺屹如城來徃多苗種荆榛勝履平

### 鸚鵡寺

襍被到盤州普安舊名松林一徑幽途經鸚鵡寺心繞鳳凰樓梵唄

清塵夢風霜點客裘曼公知遠適款我且遲留

新興上芭蕉關三十里今設驛五里江坡長十五里險峻五里

隱茄鋪十道旁列鳥道千重四字八里關將軍飲馬池有甘泉聖蹟碑

二里安南衛

## 讀書全集卷第二十六

四

浙江書局刊

### 芭蕉關

九峰東去是芭蕉毒草侵人未易消鳥道千重天欲暮不關風雨亦蕭蕭

### 關將軍飲馬池

微波蕩漾欲生漪傳是將軍飲馬池徼外至今霑德澤行人翹首望豐碑

### 安南道中和何大復韻

厯盡重關險遙聞近縣鐘山高猿倒臥徑窄鳥難通曉日彝調馬冬崖民割蜂果然百里內寒燠不相同

安南過海馬關有海馬洞常產名駒三十里今設驛十里盛

上有鐵鎖橋長八十餘步江兩崖如削水爲石束澎湃作怒

聲色若膠漆鎖穿石壁左右相維然後附木爲橋鎮以巨石

施欄檐覆板屋塗以丹腹輪奐可觀南北有門司啟閉實滇黔之咽喉也名人題碣甚多

### 海馬洞

何必渥洼去名駒此地聞千金傳買駿三日定超羣洞石蒸雲出泉清裂石芬孫陽今世少眾自識龍文

### 鐵鎖橋

帝王御宇運奇策旋轉乾坤佐開闢伐山鞭石塞洪流句芒海若任驅役君不見盤江束峽不得行波流險惡心魂驚黝如漆兮濃如膠飛鳥過之盡寂聲唐末曾聞遣閭左鑿崖跨江懸鐵鎖覆以巨石架虹梁車牛擔負免飄墜 皇朝定鼎命重脩圓繩長條貫復鉤上施屋宇下欄檻洞門盤啟通咽喉 天子威靈百神護滾滾江流今坦路乃知蠶叢命五丁斷鼉斬咒傳非誤憶昔段蒙據此邦灰飛煙滅旋銷亡在德從來不在險後人慎勿徒披得

### 讀書臺全集卷第二十六

### 五

浙江書局刊

盤江過白雲嶺經竹林坡歷梅子關卽永甯州俗名頂站十二里北口舖十 白雲嶺雲氣瀾漫不辨咫尺日光遙暎成銀海

### 世界

### 白雲嶺

嶺上多白雲雲深陸成海始訝玉山顏復疑冰柱解冥冥車馬迷鬢髮衣裳灑日色隱高春蒼茫失眞宰

### 竹林坡

霜後檀欒落葉深幾家煙火出松陰荒村孤客難尋醉此地空傳是竹林

### 梅子關

梅子關前雲影遮行人望遠盡思家臨風何處吹羌笛一夜飄  
殘萬樹花

永甯

萬仞崇岡一徑懸攀龍挽象黨青天嶺前有安龍箬  
永甯有象鼻嶺山行忽見

冰輪起半入黔江半入滇

關索嶺有關索廟凡四十三盤至嶺南北關嶺未有踰於此  
者見滇程記嶺半有壯繆祠馬跑井啞泉祠前竹大如椽葉  
闊如掌長三尺高十餘丈名孝竹五里雞公背至望水亭河  
懸注三十丈噴沫濺雪如匹練倒垂雲氣時時起水面其下  
爲兕牛潭每晴日有五色霞起若虹十里安  
莊坡

題關索嶺

岩堯孤嶂鎖咽喉奔世歌思廟貌修父子雄風傳六詔君臣魚

讀書臺全集卷第二十八

六

浙江書局刊

八十一

水播千秋祠同伏臘黔山接地壓烏蒙漢日浮正史當年俱失  
載仲謀終日愧箕裘

雞公背

昨登象鼻峴見楊升  
卷詩今上雞公背雲中一聲鳴滿山散青靄

犀牛潭

百頃流泉一水涵奔雷飛雪下層嵐玉龍倒掣犀牛出又見紅  
霞起碧潭

安莊今鎮甯州也二十里馬場鋪二十里  
楊家橋二十里普甯卽安順府出革器

陸離滿市皆盤盃益壺棋局障泥之屬十五里邊飛來石佛二十  
里平

城衛有喜客泉抵蘆荻哨望西山一帶如芙蓉萬朵鋒鏡插

天三十里威清衛威清衛明指揮劉世爵宅有玩略堂相傳建文遜

跡過此爲之書扁去衛西二里有洞漚石變幻望之如雲或

如靈芝如蓓蕾如璣衡如凝露如蜂房如蛛網篆烟盤旋如  
密石如齊斂越穀縹緲從輕風銳如懸錐莖如覆肝如神龍  
自天而下凜乎雷雨之將至

### 過安莊至鎮甯

帶綰輕裘上偃坡棲霞漸近鬱嵯峨名通上國由莊躋威播諸  
羅自伏波溪谷至今多瘴癘人煙到處襍藤蘿爲欣氣候如秋  
杪華蓋洞名橋西試一過

### 飛來石佛

何年此地布金開珠絡篆香繞石臺豈爲黔民猶近古故從西  
鷺忽飛來

### 喜客泉

客去咽泉聲客過泉聲響松風拂石臺明月自來往

## 讀書臺集卷第二十八

七

浙江書局刊

### 馬場山行

始信天工巧重開一畫圖峰峰皆獨峙樹樹自相扶絕壑藏麋  
鹿悲風咽鷓鴣傳聞龍井近淪茗訪平蕪

威清有馬牽山側爲三清觀巴哨二十里狗場十里湯漢牂牁郡

地阻山距江滇南門戶金筑螺擁山白雲菴建文君曾至此

題詩於壁左右有杉木數章大者數圍小者合抱亦傳皆建  
文手植郡東東山寺南銅鼓山每陰雨開有聲如銅鼓左棲  
霞右相寶爲郡之勝境郭西沿溪流躡石磴可五里許當巖  
砢疊嶂中一泓自石罅迸出匯爲方池每日潮汐無停通夜

計之凡百此按弇州錄名百刻泉一統志名靈泉府城內有

王文成先生祠黔書文成以救戴銃謫龍場驛丞初至無室

居東峰石穴卽陽明洞居久之忽於中夜大悟格物致知之

旨若有人告之者乃以賦記五經之言證之莫不脗合因著五經臆說今何陋軒君子亭玩易窩所書居易依命宇咸在

### 三清觀

僊宇沈沈早閉關惟餘寒月滿千山獨憐萬里勞勞客靜聽黃庭一夕閒

### 黔陽懷古

羅施聲教阻遐方漢置牂牁達夜郎天入炎荒時苦雨途經冷站夜無霜馬鞞歸側藏魚服即建文爲劉指揮書扁遊跡白雲菴中銅鼓山頭祠竹王千古猶思丞相澤祠堂松柏自蒼蒼

### 靈泉

天地運用奇晝夜刻盈百不減亦不增積時以成日我來憩此泉靈異差彷彿一波爲之揚一波爲之抑若鼓橐籥然四時永不息朝暮合計之頃刻剛百刻我欲問鴻濛其理渺難測苟非身所經傳聞尙疑惑乃知宇宙間物物關至極息壤不足奇海潮庶能匹

### 七夕前一日同友人集東山 時南旋

出郭靈岸異轟然越東杲躡躑結羣隊乘閒恣幽討高低起層閣紆曲通盤道披襟虛所受飛雲在其抱俗翳一以除蒼翠若可掃鵲橋亦難期清罇足傾倒

貴州三十里谷覺明二十里龍里驛三十里近龍里有南明河

河橫跨襄陽石橋每水響必火響愈久火愈熾然其響也遠

則聞之近則無聲奇甚過此有憑虛洞內多石笋又有石佛

石繖石柝石鐘之類而鐘與柝擊之若金木聲焉再入洞益

寬可容數百人內有石羅漢千秋田田皆細石界畫如畦又

有石牀石舟可以卧遊水聲號號殆深不可測云

### 渡南明石橋

火炎上水潤下兩者相克不相借此間響應獨不然元冥先驅  
祝融駕遠岸幾疑地軸翻近流惟見波光瀉天地陰陽變幻奇  
蕭巨佛疎應非假蕭巨有寒火  
佛疎有流金曲突徒薪雖有言不如廉吏反  
風息火回造化

### 凌虛洞

洞自凌虛構非徒石佛奇泉聲通海眼笋勢礙雲岫巖竇忘昏  
曉蛟龍共護持忽傳鐘柝響聽罷笑還疑

### 其二

再進地稍寒盤桓興未闌鬚眉羅漢古牀榻野人安田有千秋  
業居惟百畝寬虛舟那可渡蓬海路漫漫

## 讀書全集卷第二十八

九

浙江書局刊

又文三

新添衛經玉杵觀上有觀音閣黔皆童山至此萬木蕭森令

人作物外想

二十里黃絲  
鋪十五里

至僊人脫影處戴華陽冠削身策

杖西行遠而彌真明巡撫郭子章題神留宇宙四字於高崖

千尺之上卽僊人張三丰像也三丰名猷羊城人一日闖人

過武勝關

五里平  
越府

府城西有高真觀爲三丰修真之所三丰

少遇異人棲靜三十年出山混俗補刑曹吏以劫囚獄遣戍

平越入境忽浴於河沈溺不起明晨自水中出袖各司回文

與解人令返解人探囊中原牒則已無矣始神之及居平越

指揮張信待之厚曰吾爲汝父治葬地報汝殷勤命信負其

父骨詣一巖穴曰汝往擲之口中信入見石牛欲相啖懼而

挂之角出以告三丰三丰曰封侯亦足矣後果以戰功封隆

平侯亭前一池似石盂無源流終年澄泓不涸傍有桂樹一

株已枯蹠躅濯足於中人呵之曰吾爲汝活此桂乃掬洗足  
水澆之復茂至今猶存三百年故物也永樂中遣官徵聘竟  
莫知所之

玉杵關觀音閣

馬桑地名東去氣蕭森行盡童山見綠陰閣轉金輪藏古剎關開  
玉杵動寒砧石檀低拂松風靜藻井潛棲鳥雀深鹿鹿征途思  
稅駕垂鞭猶自望旃林

題神留宇宙

丰神秀削傍嶮岈策杖猶簪羽士冠千尺懸梯鐫妙筆依稀僊  
影畫中看

高真觀

神仙常玩世往往善遊戲入水水不濡入火火不燬神龍翔九

讀書臺卷第二十八

十

浙江書局刊

天首尾不全示遐哉張三丰鄉里傳聞異修真三十年辭侶試  
爲吏遣戍赴黔中躡蹠眾所棄抵境浴河湄沈淪餘雙屐伍伯  
哀呼之叩首復垂涕詰朝出層波咨呈各己備原牒只空囊二  
使感且樛返服棲雲巖不食亦不寐時人始奇之隆平特相契  
念彼接待殷指示牛眠地身膺五等封振振子孫貴高臺俯青  
蒼平地蓄溶瀄秋風檐桂芽出自手所植一旦鶴書馳物色渺  
無際緬懷餐霞人不受浮名繫漢武非仙才徒爲方士蔽穉川  
有遺言忠孝乃可致

平越五里葛統橋先是橋屢建屢壞明葛鏡刑牲醴酒禱於

黎錢之神俄一人指曰有砥柱字處橋可成鏡覓得之蓋石

紋所結也橋有聯云一二三番黔匠手百千萬載葛公心五里

三郎第二十里楊老驛歷大風洞觀音坡老君關至重安江

今設驛州三十里黃平西連焚道南極牂牁重岡疊擁二水環

流

### 葛鏡橋

傳說築橋日神人自此過石紋凝砥柱山勢接黎峩晝冥飛禽  
少江寒水怪多葛侯勳績茂安穩出風波

### 楊老道中和吳明卿韻

身命輕如葉砢研百感生人從劒脊上路與雁行平日冷衣嫌  
薄風號語塞聲王陽倘過此回馭有同情

### 大風洞

漢使何年鑿凌虛起大風虎埋雲竇下龍吼日潭中鳥雀棲難  
穩杉杉舞欲空多才如宋玉應不辨雌雄

### 老君關

## 讀書全集卷第二十八

十一

浙江書局刊

遙望黃平指顧間芭蕉零落滿空山此地芭蕉高丈餘荒江峻嶺無人

### 識誤認青牛函谷關

興隆二十里東坡柏林參天距地百餘尺中虛而下嵌乳液

融結巖石空懸如鴟蹲如鳥革如驚濤激石如蒼龍挂而矯

首如杉株帶雨溜痕奇不可狀澗下雙峰對起上有亭中藏

王文成碑刻右爲月潭寺可遊憩焉九里關橋二衛在沉水

西有石橋蜿蜒跨河上列市肆亦大觀也二十五里秉炬方

可行五里相黔書三重迭起途周三十里行者此以手招彼

以口呼送響答於咫尺而不知其如是之遙也十五里腰纏二

關關勢險峻數十折有峽如門斗峭甲雞鳴五里鎮阻江依

山不以城郭爲固石屏山在郡後端直蒼潤如屏風鉅橋截

兩山聳如天半彩虹心目到此一爽希有奇觀舟由此達洞

庭溪山環帶水陸要衝

月潭寺

鴻濛闢異境千載任人探柏古雲爲幄濤飛月作潭尋幽惟恐  
盡餐勝不嫌貪尙有龍場刻高懸石一龕

飛雲巖

白雲飛天上否亦在青山何由墮下地奔入巖崑間愛此不飛  
去萬古常悠閒飄渺自卷舒看人勞往還天開皇華道卽此雷  
雄關明霞錯萬疊清流響一灣巍巍寶蓮座大士展慈顏五色  
空中見三島洞裏探下方崇淨域鐘磬越松杉雨花繽紛墜香  
霧氤靄含飛雲如有悟圓寂住靈巖流連爲小憩塵累盡可刪

華巖洞

凌晨燃炬入僮僕笑斯遊洞挾孤雲宿泉隨隙石流人煙遠白

讀書臺集卷第二十六

三

浙江書局刊

板山寺隱紅樓徙倚將亭午鐘聲林外幽

相見坡

相見坡三重起楚爲頭黔爲尾中間蜿蜒如龍身後者相呼前  
者唯人生聚散類浮萍安得追隨如鹿豕只疑上下隔層巒那  
識迢遙三十里

油榨關

雉堞排空古木齊迢回百折馬頻嘶關前疊障風雲出峽裏開  
門日月低

10565

